

CASPARI BARTHOLINI
THOM. F.
DE
IN A V R I B V S
V E T E R V M
S Y N T A G M A.

Accedit Mantiffa ex
THOMÆ BARTHOLINI
Miscellaneis Medicis
DE ANNVLIS NARIVM.



AMSTELÆDAMI,
Sumptibus HENRICI WETSTENII.
MDC LXXVI.



Parenti Venerando

D. D. T H O M Æ

B A R T H O L I N O

Dn. de Hoogestedt

Archiatro Regio

Decano atque Professori Medicinæ
Honorario

C A S P A R V S

B A R T H O L I N V S

F I L I V S

Salutem & obsequium.



Nnotuit nuper
Orbi affectus
verè Paternus,
quem infinitis
aliis nominibus
tantum agnosco, ut majorem

A 2

nec

DEDICATIO.

nec fingere nec optare à Parente possem Filius. Idem ille tuus Paternus animus, qui domi filium à teneris unguiculis in sinu dulcissimo educavit, qui deinde Minervæ gremio imposuit alendumque & instituendum commisit, qui denique semper nobilem flammam ingeneravit, quæ adhuc in pectore crescit; Idem, inquam, ille etiam apud exteros Filium comitatur, ut, domi an foris cumulatior sit affectus, nesciam. Ego cum illum nunquam satis demereri possim, nunquam tamen deero, quin omnes ingenii vires

DEDICATIO.

res in id conferam, ut dignus tali Parente videar. Nam fanè non minimam felicitatis partem reputo, quod tot Paternæ virtutis imagines, tot habeam monumenta, quæ animum, non invitum, ad præclara trahent. Nec illum Tibi, charissime Parens, incognitum esse credo, qui ad domestica se componens exempla, nullis unquam vanæ voluptatis illecebris irretiri potest. Cœpi diligentia præteritæ fructus Orbi exhibere, ut sciat quid in cunis etiam valeant Deorum filii. Quamvis noverim avara Parentum

DEDICATIO.

vota esse, quæ nulla filiorum bona satis perfecta judicant, non displicere tamen Tibi, Venerande Parens, spero has primitias, quas, spe posthac majorum additâ, Paterno Nomini in debitæ venerationis inonumentum inscribo, & eo offero obsequio, quod filium decet. Nequicquam autem his ex Antiquitate petitis *Inauribus*, corruscum candidi Tui vultus senium exornare conor, quod iis fulget ornamentis, quæ nec interitum timent, nec squalorem metuunt. Deploranda enim sunt fata Antiquitatis, quod

in

DEDICATIO.

in memoria Posterorum jam
penè exoleſcat, & cum *Inau-*
ribus noſtris, quas tamen hic
vindicavimus, maxima Anti-
quitate pars vel planè in ob-
ſcuro jaceat, vel ad triſte ſe-
nium demigret, vel ad igno-
bilem ſenſim devolvatur ob-
livionem. At impar fors No-
minis tui, Parens optime, nam,
quanquam venerandi jam ſe-
nii rugas vultus induxerit, in
ore tamen populi ſemper vi-
reſcet fama, quâ totus Orbis
perſonabit, poſterique olim
in tota Antiquitate majora
nec ſcient nec mirabuntur.
Plura non addo, ne nimio a-

D E D I C A T I O.

more peccasse videar in iis,
quæ dictitat affectus. Voto
concludam, ut feliciter porro
& diu vivas Orbi, Tuis, Pa-
triæ ; ut illa tandem reduci
lætos Parentum mihi reddat
amplexus. Vale.

Lugduni Batavorum Calend.

*Maji. Anno renata Sa-
lutis cIoIocLXXV.*

C A S P A R V S
B A R T H O L I N V S

T H. F.

Benevolo Lectori & An-
tiquitatis Studioſo.

Trahit me venerandæ
Veruſtatis amor & æſti-
matio ad ea , quæ ſub
Antiquitatis nomine in publicum
protrudo. Pauci enim ſunt , quos
hæc cura occupa-uit & ſtudioſum ,
vel quia iudicium de iis quæ pene
incognita ad nos tranſmiſit ævi
vetuſtas , quaſi tenebris & mul-
ta caligine obſitis ferre noluerunt;
vel quia Antiquitatis contemptu

P R Æ F A T I O.

ea neglexerunt, quæ nobis in meliorem literarum sortem genitis, expendenda relictæ pro virili capessimus. Illorum sordidam mentem & cælestium inanem nemo non detestetur, qui humo levatus altitudinem rerum Antiquarum capaci animo assequutus est. Nostram verò ex æquo metimur felicitatem, quam cælo debemus ex hac rei Antiquariæ speculatione quamvis invisibili tantum, non ita tamen obscura, quin ex marmoribus & saxis, quibus hætenus mors denegata, ad rei supplementum haurire possimus ea, quæ ex mutis librorum monumentis, non
satis

P R Æ F A T I O.

*satis pro rei dignitate & splendore
capere potuimus. Interest enim
Reipublicæ Literariæ & curren-
tis seculi gloriæ, ne ea abscondita
ulterius de neglectu & contemptu
nostro querantur, quæ cum suo si-
tu & rubigine hætenus infelicitè
colluctata fuere. In illam enim
Seculi felicitatem delati sumus,
qua magnis honos habetur, & in-
ter alia etiam Antiquitati sua
debetur laus atque Majestas digno
admirationis & scrutinii elogio.
Et nos qui sapere volumus, ad
Macrobian præscriptum, Vetu-
statem pari cultu adoramus, sine
tamen verborum aut rituum su-*

P R Æ F A T I O.

perstitutione , quam Paganis relin-
quimus. Ab illis quippe singulis
corporis membris ornamenta pro-
pria dicata sunt & omnibus à ca-
pite ad calcem partibus sua appen-
sa. Coronæ capiti assignatæ , &
alia , eaque varia , ex floribus ,
pretiosisque gemmis crinibus inter-
texta ornamenta. Narium annu-
lis præiuvère Hebræi, & Aurium
ornamenta ad innumeras deri-
vata gentes. Vicinum collum aurum
circumdedit , & ex humeris de-
missa ornamenta ad carpos tran-
sire , & ad ultimos serpsere di-
gitos. Nec venter à Zona liber,
nec à vinculis pedes. Infimis so-
leis

P R Æ F A T I O.

leis accessit Lunula, ut non minori cultu micuerit extremus articulus, quàm summus apex. Quæ quamvis prima specie non nisi meras redolent superstitiones, his tamen interdum majora involvuntur mysteria. Unde tot Doctiorum scripta cum applausu hæc implevit materia. In coronis Paschalius & Meursius innumeras papyri insumserunt facies. Tortiles circulos & colli monilia feliciter adumbravit Schefferus. Armorum armillas, virias manuum, carpi pericarpia expressit Th. Bartholinus Parens. Ad annulos transit cura Kirch-

A 7

man-

P R Æ F A T I O.

manni, Longi, Kentmanni, Liceti, & tot calamos unius articuli splendor fatigavit. Ego quod erat relictum, quia nec Antiquarium summum, nec in his sacris me hospitem profiteor, IN A V R E S expolivi, & è tenebris evocatis verum Antiquitatis splendorem & invidendum reddidi cultum. Nec ullos Authorum, è quorum fontibus hæc rectius petuntur, præterii, nec rudera marmorum, quæ cum viva certant imagine, inconsulta reliqui. Crinium capreolos & cincinnos, Capitis Tutulos affini addidi materie; Annulos Narium


P R Æ F A T I O.

*rium ex Parente illustravi, &
Acum crinalem utramque dili-
gentius excussi. Tu, Lector,
Inaures has in Armarium tuum
repone, si videantur inter alia
modo memorata mereri Antiqui-
tatis Sacrarium; Et mihi fa-
ve, qui, si hæc arriserint, majora
posthac spondeo. Vale.*

Elen-

E L E N C H V S C A P I T V M.

- CAP. I. *Inaurium notio & Etymologia varia.*
- II. *Inaurium forma, varietas, compages & precium. Vbi & de Acu Crinali.*
- III. *Inaurium Materia.*
- IV. *Inaurium Faber.*
- V. *Inaures quas corporis partes exornarint?*
- VI. *Inaures utrique sexui familiares.*
- VII. *Inaures ob quas causas usurpatae, Earumque varius apud varios usus.*
- VIII. *Inaures quibus Gentibus fuerint in usu.*
- IX. *Inaures Brutorum Animalium.*
- X. *Inauribus statuæ Deorum Dearumque exornatae. Eadem sepulchris illatae.*



C A S P A R I
BARTHOLINI
D E
I N A V R I B V S
V E T E R V M
S Y N T A G M A.

C A P V T I.

*Inaurium notio & Etymologia
varia.*

INauris, ornamen-
tum aurium, cujus
apud Veteres usus,
qui tamen hodieque
apud alios non planè abolevit.
Denominationem traxit à parte
cui ornandæ ut plurimum desti-
nata.

nata. Nam cum aliis faciei partibus, ut naso, labiis, fronti, &c. eam appensam legimus vel interpretamur, impropiam illi denominationem attribuimus, utpote cui Latini veteres repugnant. Vera Inaurium notio apud

Inauris
unde di-
cta?

Isidorum. Quippe qui earum convenientissimam etymologiam designat *Origin. Lib. xix. cap. 31. Inaures ab aurium foraminibus nuncupatae, quibus pretiosa genera lapidum dependuntur. Harum usus in Graecia: puellae utraque aure, pueri tantum dextra gerebant. Quibus verbis apprimè ornamenti genus exprimit quod utebantur, dum foratis auribus inferebant tam gemmas, quam id genus alia. Quo alludit *Tertullianus Lib. de habit. Muliebr. Graciles aurium cutes Kalendarium expendunt. Sed idem clarius innuit Cyprianus de pudic. & habit. Virginum: Ut postea, inquit,*
de*

de aurium cicatricibus & cavernis, pretiosa grana dependeant.

Quare similem secutus *Inaurium* Aurium fenestram quid?
etymologiam, eodem collinit
Juvenalis Sat. I.

---- *molles quod in aure fenestra.*

Et *Tertullianus* de Pallio: *Aurem foratu effœminatus.* Ita ille significasse videtur *inaures*, quæ ex perforatarum aurium cicatricibus & cavernis dependebant, unde & nominis etymon ac origo.

Non uno tamen nomine has *Inaures* indigitatas invenio tam apud Græcos sapientes, & Hebræos veteres, quam Romanæ linguæ & Latii elegantioris scriptores, ut hujus nominis non pauca sint synonyma. Ita de *Au- Inaurium synonyma.*
rium quodam ornamento loquitur *Isidorus* *Origin. L. xvi. cap. 7.*
quod colore viridi, sed decenti, indeque *Callaica* appellatum de- *Callaica quid?*
scribit: *Callaica colore viridis,*
sed

*sed patens & nimis crassa, nihil
jucundius aurium decens, unde &
appellata.*

Stalag-
mium
qualis
inauris?

Stalagmium etiam pro *Inauri-*
bus sumptum, cum *σταλαγμοῦ* sive
guttæ figuram haberet baca, quæ
in genere hoc *inaurium* pendula
erat. Ita enim *Cæcilius* antiquus
Poëta apud *Festum*:

*Ex aure ejus stalagmium domi
habeo.*

Eadem *Inaurium* Notio *Plauto*
placuit, in *Menæchm.* Act. III.
Scen. 3.

*Hæc palla & spinther faxo re-
ferantur simul.*

AN. *Amabo, mi Menæchme,
inaureis da mihi*

*Faciundas pondo duûm num-
mûm stalagmia,*

*Vt te libenter videam, cum ad
nos veneris.*

ME. *Fiat. cedo aurum, ego
manupretium dabo.*

Hic

Hic tamen alii pro *stalagmia* legunt *spatalia*. Et eam lectionem defendit *Parens Venerandus*, Schedio de Armill. §. VII. quia *inaures* præcesserunt, ideoque aliud ornamentum hoc nomine indigitari.

Inaures etiam alio nomine *Elenchos* appellabant, inprimis eas in quibus proceriores margaritæ ad modum piræ quasi ex aliquo capite protrahantur in turbinatam fastigiatamque piramidem, ut eas describit *Plinius* Natur. Histor. Lib. IX. cap. 35. de Margaritis loquens: *Summa laus coloris est exaluminatos vocari, & procerioribus sua gratia est, Elenchos appellant fastigiata longitudine alabastrorum figura in plenior orbem desinentes, hos digitis suspendere, ac binos & ternos auribus fæminarum gloria est.* Nec alia mente *Iuvenalis* Satyr. VI. eosdem *elenchos* auribus

ribus extentis commissos dicit:

*Nil non permittit mulier sibi,
turpe putat nil,
Cum virides gemmas collo cir-
cumdedit, & cum
Auribus extentis magnos com-
misit elenchos.*

In quæ verba in gloss. antiq. ve-
tus Scholiastes: *Vniones, marga-
ritas oblongas, magnarum gemma-
rum elenchos, quos & titulos
appellant.* Apud Magnum *Sal-
masium* de modo *Vsurar.* pag.
670. ἐλεγχῶ pro titulo dicitur,
quo quis convictus veluti proba-
tur. Quia autem idem esset cum
titulo, vel elogio, quo fama ali-
cujus sive bona, sive mala tradu-
ceretur, sed præcipue mala, quod
σηλονγραφία Græci vocant, ex eo
& pro genere *Inaurium* apud
mulieres transiit oblongo & ro-
tundo, uti sunt tituli sive colu-
mellæ, quas Græci τίλας appel-
lant.

Elenchus
pro titu-
lo.

lant. Notat itaque *Salmasius* ti- ^{Tituli vel}
tulos vel *titulatos* vocatas hujus- ^{Titulati}
 modi *inaures* titulis forma simi- ^{inaures.}
 les, eorumque mentionem in
 Iure occurrere monet. *Pignori*
 tamen erudito de Servis Com-
 mentario *tutulatos* mavult, quo-
 niam *Tutulus* Pontificalis cujus
 imago cernitur in denariis gen-
 tis Iulix, non admodum dissimi-
 lis *elencho*, fuitque metali figura, ^{Tituli}
 ut inquit *Festus*. Quod ex subje- ^{forma.}
 cto schemate veterum nummo-
 rum melius patebit:

Et certe hujus denominatio-
 nis vestigia haud obscura depre-
 henduntur in Inscriptione anti-
 qua apud *Gruterum* pag. DLXXIX.
 n. 5. quæ Romæ extare dicitur
 in Museo Carpenſi:

APONIAE. SVCCESAE
 A. TVTVL. ORNATR.
 C. BATONIVS. EPIGONVS
 ATRIENSIS

Etiam



Etiam *Tutuli* vocabantur capilli, quos matres familias Romanæ convolutos in capite gestabant, ut *Varro* Lib. VI. de L.L.

Tutuli
pro capillis.

Exstruebant enim in altitudinem multis gradibus & spiris cumulatam comam, quod *Tertullianus* Lib. de Pall. Comam struere dixit Idemq; indicat *Iuv.*

Comam
struere
quid?

- Tot adhuc compagibus altum
Ædificat caput.

Non ineleganter *Lucianus* ἐπανέ-
στατον τειχῶν vocat. Eandemque
capillorum struem satis expri-
mit *Lucanus*:

*Turrita*que gerens frontem ma-
trona coronâ.

- Apprimè *Papinius* *suggestum* comæ memorat:

Sugge-
stus co-
mæ.

- *Celsos* procul aspice frontis
honores

*Suggestum*que comæ.

Spiras alii vocabant, unde *spi-*
rosus capillus *Apuleio* Lib. II: *sus ca-*
Hieronimus ad *Marcellam*: quæ *pillus*
unde?

B

capil-

capillis alienis verticem struunt. Quare concinnè admodum Tertullian. de cultu fœminarum: Frustra laboratis ornata videri, frustra peritissimos quosque strutores capillaturæ adhibetis.

Imo eò usque futilium atque textilium capillamentorum enormitates processère, ut *nunc in galeri modum quasi vaginam capitis & operculum verticis, nunc in cervicem retro, suggestum capillum dixerit Tertullianus.* Et tale quid etiam confirmant veteres nummi, in quibus mulierum Augustarum imagines observamus. In rei illustrationem adferam ex multis duos nummos, ~~FAV~~
PLOTINÆ unum. alterum **SABINÆ**.

Atque ut monuimus hujusmodi capillorum cumulationes *Tutuli dicti, teste Varrone: Tutulati dicti hi qui in sacris, in capitibus habere solent, ut metam, id*
tutu-



tutulus appellabatur ab eo quod matres familias crines convolutos ad verticem capitis, quos habent uti velatos, dicunt tutulos. Non dissentit Tertullianus qui de Pallio : Tunc certissime supra omnes exuvias angusta vestis, superque omnes apices ac tutulos sacer suggestus deducit oculos. Vnde etiam Tutulatus. Ennius :

Tutula-
tus.

Libaque fectores, argeos & tutulatos.

Inauris
apud He-
bræos
unde.

Non minus diversam *Inaurium* Etymologiam apud veteres Ebræos deprehendo. Inaures, מַשְׁכָּחַתִּי *Mercerus* deducit à שִׁחַח, quod significat *mussitationem*, quod auris ornamentum sit, cuius est audire mussitationem & incantationem. Quare alii etiam putarunt significatum fuisse hoc *inaurium* nomine : oratoriam artem ad demulcendas aures adhiberi, vel scēminas non tantum ornasse verum etiam his præmunivisse

nivisse aures adversus incantato-
rum præstigias. Quid de his &
vero hujus etymo statuendum sit,
meretur audiri *Merceres*, qui ita:
Eesai. III. vers. 19. הַלְחֵשִׁים *inau-* „
res. *R. Abraham* in comment. „
scribit fuisse scripturas in auro & „
argento per modum לְחֵשֶׁה in- „
cantationis [aut orationis occul- „
tæ]. Et quia versus sequens men- „
tionem facit expressam de Inau- „
ribus ubi dicitur, Et annulos „
וְנִזְמֵי הָאָזְן & inaures: non vide- „
tur quod significet *Inaures*, ut „
exponit *R. Dav.* in Comment. „
dicens quod sint ornamenta quæ „
mulieres suspendunt in auribus „
suis: cui adstipulari videtur „
Targhum Jonathan, qui vertit „
וְחִלְשֵׁתָא & *inaures*. Vel dicen- „
dum quod נִזְמֵי הָאָזְן non sunt in- „
aures neque etiam נִזְמֵי, nisi „
absolutè ponatur, sed quando ad- „
ditur נַאֲסִי *nasi*, aut, *narium*, si- „
gnificat ornamenta *narium*. unde „

„ Hieron. vertit , & *gemmas in*
 „ *fronte pendentes* : quæ videlicet
 „ usque ad nares descendebant.

Inauris
 impudica
 significa-
 tio vindi-
 cata.

Præterea monet *Mercerus* quod
 אֵזְרָא , *inauris*, quidam recentio-
 rum per literarum metathesin
 revocent ad אֵזְרָא : quasi sit moni-
 le, quod palam in fronte auribus
 vel naribus prostat ad emer-
 dam gratiam : Cæterum nullo
 jure illud ab impudico verbo de-
 duci, cum sanctissimis etiam fœ-
 minis in ornamentum honestum
 cesserit.

Inauri
 quasi ro-
 tula.

A rotunditate etiam, quasi ro-
 tulam vel sphærulem referat,
 אֵזְרָא , *inauris* dicta, veluti teres
 quoddam ornamentum, ut Nu-
 merorum xxxi. 50. Et apud *R.*
Dav. in Lib. Radicum notante
Mercero. Sic & apud *Pollucem*
 βολεῦδρα pro *inaure*. Aurium vero
 fuisse ornamentum, liquet ex
 Ezech. cap. xvi. vers. 12 : *Et or-*
navi te ornamento & dedi inau-

rem

rem super os tuum, & circulos auribus tuis & coronam decoris in capite tuo. Ex circulis autem istis auri perforatæ insertis margaritæ dependebant. Hieronymus tamen Numer. xxxi. 50. sed repugnante ipso textus sensu, dextralia vertit: Plura de his vide Joh. Rhod. Dissert. de Acia & Parentem de Morbis Biblicis cap. de Annulis Narium, quod ea propter huic Syntagmati velut purpuræ præclaram laciniam in fine adjicio.

Eadem denominatione quâ à Latinis *Inauris*, à Græcis *Εἰνώτη* dicta, vel promiscue etiam *Εἰνώζον*, unde *ἐνώζεις* Hesych. ex Sophoclis Captivis, quod exponit *ἐνώζοις*. Significat autem eadem originatione, quâ Latinorum, quasi ornamentum quoddam quod auribus perforatis inferebatur. Pollux Lib. II. cap. 4. §. 17. *Εἰνώτα, νόστος ἐν τοῖς ὠσὶν ἢ νότι*

Hieronymi error.

Εἰνώτη vel *Εἰνώζον* promiscue.

Quid significet?

ἐλλόβια, καὶ ἐλικτῆρες. Et ab eodem Lib. V. cap. 16. in mundo muliebri inter *inaures* ἐνώλια recensentur. Dictas autem ab auribus clarissimè innuit *Eustathius* pag. 976. λοβοὶ δὲ τὰ τῷ ὠτὶ ἀκέραια, ἔνθα ἐνείρεται τὸ ἐνώλιον. διὸ καὶ ἐλλόβια λέγνται ἀπὸ τῷ λοβῷ, ὡς ἀπὸ τῷ ὠτὶ ἐνώλια. Et apud *Svidam*, ἐνώλοις ἐκ μαρμαρίων κεκοσμημένοις ὀφρεῖται αὐτὸν. Imo usitatissimum apud Græcos per ἐνώλιον *inaurem* exprimere, ut passim legimus. *Athæneus* Lib. VIII. *Deipnos.* ex Agide:

Θεσμοῦν δὲ ἢ ζώνην ἢ ἐνώλιον ἢ π
τοιᾶτον

Σύσσημον.

*Fascia vel cinctu, vel inaure, vel
hujusmodi re quapiam
Signum datò nobis.*

Hæc autem ἐνώλια ex auribus
fœminarum dependisse adeoque
idem, quod *Inauris* Latinorum,
orna-

Ενώλιον
pro in-
auri.

ornamentum significasse, nemo clarior *Æliano* evincit, qui Lib. I. Var. Hist. cap. 18. de antiquis mulieribus: Ἐκ τῶν ὧτων αὐταῖς ἐνώπια μακρὰ ἐπεκρέμαντο. *Ex auribus longas inanes dependentes habebant.*

Coeterum quemadmodum apud Latinos *Inauris* modo per *stalagmium* modo per *elenchos* significata, ita etiam Græcis hoc aurium ornamentum non per solum ἐνώπιον dictum, sed varia hujus apud Græcos synonyma atque denominationes vel à gentibus diversis vel à forma variante recenset *Jul. Pollux Onomast.* Lib. V. cap. 16. ubi de nominibus mundi muliebris agit: τοῖς ὧσιν; ἑξμαῖα, διόπτρις, ἐλλόβια, ἐνώπια, ἑλικας, ἐλικτῆρας, σίτλας καὶ τὰς δωρειάς, καὶ τὰς αἰολέας, ἀρπίαλα. ἐκαλεῖτο τὸ πρὸς τοῖς κωμωδῶν, καὶ ἐγλασεῖδια, καὶ σερβύλια, καὶ βοτρυῖδια, καὶ βλάστα, καὶ κα-

Inauris
apud
Græcos
Synonyma.

βυαΐδες, καὶ ὑποκαμπία, καὶ κεν-
 τρυαΐδες, καὶ ἔντροφον, καὶ τείπες.
 δῆλον ὡς ἀπὸ τῶν χημείων, θεμένων αὐ-
 τῶν τοῖς ἐνώλοις τὰς περὶ στήθεας:
 ὥστε καὶ ὁμηροῦς τείχληνα ἔμματα
 ἀνόμασεν, ὡς τειῶν εἰδῶλα κρητῶν ἔχοντα.

Multæ itaque sive à Gentibus si-
 ve à forma *inaurium* ortæ apud
 Græcos nominis differentia, de
 quibus nos sigillatim paucis.

Et ut ἐνώτη & ἐνώλιον, quæ a-
 pud veteres absque differentia
 notavimus reperiri, mittamus,
 Ἀ'μφω-
 λῖς in-
 auris,
 quid pro-
 prie? Ἀ'μφωλῖς in vulgatis Lexicis expo-
 nitur etiam *Inauris*, aurium or-
 namentum, cujus tamen signi-
 ficationis exemplum desiderat
Henr. Stephanus. Significat enim
 tegmen auris vel munimentum,
 quod habent athletæ circa aures,
 ut testis est *Pausanias*, referente
Eustathio pag. 1324.

Præterea quoniam λοβὸς pars
 erat τῶν ὠτῶν ἐκ λοβία λέγονται ἀπὸ τῶν
 λοβῶν, ὡς ἀπὸ τῶν ὠτῶν ἐν ὠλῇ, ut *Eusta-*
thius

thius pag. 976. Solebant enim ex
ima auriculæ parte suspendere
annulos & gemmas ornatus caus-
sa, atque ideo ἐκλόβιον dicta inau-
ris illa vel ornamentum, quod in-
ferebatur τοῖς λοβοῖς τῶν ὠτῶν. He-
sychius: ἐκλόβια, ἐνώλια. Meminit
ejus Lucianus in Lexiph. ubi
Chereæ τὸ χρυσοτέκτον & hæc ver-
ba: λεῖρόν [ubi potius ληρόν] πνα
ἐκροῖεν καὶ ἐκλόβια καὶ πέδιλα τῇ θυ-
γατρὶ τῇ ἐμῇ. Apud Pollucem
etiam superius in mundo mulie-
bri pro *inaure*, ἐκλόβια habemus.
Cæterum interdum ita confun-
debantur ἐκλόβια & ἐνώλια, ut pro
iisdem *inauribus* modo hoc, mo-
do illud promiscuè dictum sit.
Quod notandum ex *Svida*, apud
quem modo ἐνώλια dicuntur quæ
ante ἐκλόβια, ubi Trajanus ad Au-
gari filium ita: ἡ μέφομά σοι ὅτι
μὴ πρόωθεν ἤκεις παρ' ἐμὲ συστυ-
τεύων. καὶ ἐπὶ τῷδε ἂν ἡδέως τὸ ἐλ-
λοβίων τότῳ τὸ ἐλερόν σε ἀποσπεί-

ἐκλόβιον
unde?

ἐκλόβιον
& ἐνώ-
λιον
idem.

σαιμι· ἐφαψάμην ἄμφω τὸ πρὸς τὸ
 ἐτέρω, τῷ δὲ ἦν ἄμφω τὰ ὦτα τετυγ-
 μῆα, καὶ ἐξ' ἀμφοῖν χευστὰ ἐνώτια
 ἐξηρημῆα. i. e. *De te conqueror,*
quod ad me non ante veneris, me-
cum militaturus, & propterea
alterum horum ornamentorum ex
aure pendentium tibi libenter avel-
lerem, simul attrectans alteram
aurem. Illi vero ambæ aures erant
perforatæ & ex ambabus in aures
dependebant.

ἐλικτὴρ
 pro inau-
 re & ar-
 milla.

Etiam *Ε'λικτῆς* per *inaures* in-
 terpretari posse *Polluci* credide-
 rim, cui supra in mundo mulie-
 bri *ἐλικτῆρες* sunt ἐνώτια, ἡσμε-
 ἐν τοῖς ὦσιν. Quamvis repugnet
Budæus, qui ex *Schol.* aliquo
ἐλικτῆς de *Armilla* interpreta-
 tur: *ἐλικτῆρας* ἔνιοι καλεῖσι ψέλλια
 ἢ ἡσμεν τ' *χειρὸς*.

Ἐρμα
 inauris.

Sic & *ἔρμα* pro *inaure* apud
Græcos usitatum. Nam præter-
 quam quod *Jul. Pollux* memine-
 rit inter ea quæ πρὸς τοῖς ὦσιν,
 occur-

occurrit etiam apud *Homerum*
Odyss. Σ. v. 298.

Ἐρμαῖα δ' εὐρυδάμαντι δῶα θερά-
πωντες ἔνεγκον. i. e.

*Inaures autem Eurydamanti duo
servi portaverunt.*

Coeterum auribus appropriatum
hoc fuisse, quoniam ornatus cau-
sa iis perforatis innectebatur,
clarius patet apud *Homerum*
Iliad. ξ. v. 182. ubi inter ornatus
Junonis quibus Jovem decipere
conatur:

Ζώσατο δὲ ζώην ἐκατὸν θυαίνοις
ἀραρεῖαν,

Ἐν δ' ἄρα ἔρμαῖα ἦκεν εὐπυλίοις
λοβοῖσι.

*Cinxit autem cingulum centum
fimbriis concinnatum:*

*Ac sane inaures apposuit bene
perforatis auriculis.*

Vbi *Eustathius* veram vocabuli
etymologiam depromens, ex-
ponit τὰ πρὸς ὧμοις ἐναιρέματα ἁρσμία.

Ε'λικες
inaures ,

Ad *inaures* Ε'λικες etiam re-
ferri persuademur à *Polluce* , qui
loco superiori , inter plurimas
inaurium apud Græcos denomi-
nationum varietates Ε'λικες po-
nit. Reperio etiam apud *Home-
rum* *Iliad.* Σ. v. 401.

Πόρπυς τε , γαμωπῆς δ' ἑλικῶς
τε καὶ ὄρμυς.

vel ar-
millæ.
vel Tor-
ques.

Sed ad varios sensus trahunt in-
terpretes, Ε'λικες per *armillas* ex-
plicat *Spondanus* , *Torques* ver-
tit *Camerarius* , quod tamen su-
perfluum esset, quia sequitur sta-
tim ὄρμυς , quod torques vel
monile denotare nemo dubitat.
Nos Ε'λικες per *inaures* haud im-
proprie exponemus, cum à no-
stra parte habeamus veterum
non paucos. Non inficiamur ta-
men & armillas significare pos-
se , cum id svadeat *Hesychius* ,
qui sub Ε'λικες non solas *inaures*
comprehendit , sed & armillas
& annulos, ita ille: Ε'λικες , ἡ
ἐν αἰ-

ἐνώλια, ἢ ψέλλια, ἢ δακτύλιοι, ἢ ἐλίγμοι.

Inter *inaures* recte recenset Στρε-
Pollux στρούλια, quæ præteream, ^{βύλια.}
quia de iis infra.

Βοτρυῖα etiam huic ordini in- Βοτρυῖ-
ferit memoratus Pollux loco to- δια.
ties allegato, ut hoc etiam no-
mine *inaures* apud Græcos vo-
citas constat, video etiam
βότρυν inter alia ad hujus cultus Βότρυς
apparatum pertinentia memo- quid?
rari ab Aristophane Θεσμοφωρ-
εῖσαι.

Διόπυς, ἀγέλιον, πλάστρα-
κιον, βότρυν,

Χλιδῶνα, φειόνας, ἀμφιδίαις, ὄρ-
μης, πεδῶς.

Optimè Hesychius: Βοτρυῖδα,
ἐνοβείων εἶδος, οἱ δὲ βότρυς θεσμο-
φωρεῖσιν.

Σχολαεῖκιον pro *inaure* apud Σχολα-
Suidam in Etymologico: Εἰκό- εἰκιον
βια, τὰ ἐνώλια, ὃ ἐπὶ σχολαεῖκια. ^{pro inau-}
re.

Pariterque in Lexico Cyrilli :
 ἐνώλια, σχολαρεία. Idemque con-
 sentit Moschopolus in Gloss.
 Meurs. Ε'νώλια. κήσμε & γυναικεῖ &.
 ἢ γὰρ τὰ κρινῶς σχολαρεία. Atque
 de his clarissimè apud eundem
 Meursium in Glossis ita Constan-
 tinus de Administr. Imp.

Προσέθηκεν εἰς τὰς πεσασσάκοντα λί-
 τρας καὶ σχολαρεία ζυγὴν μίαν,
 ἐκπηγεῖσαν λίτρας ἐννέα. Et mox :
 ἀνελάβετο τὰς πεσασσάκοντα λίτρας,
 καὶ τὴν ζυγὴν τὰ σχολαρεία. Pro

Vel σχολα- σχολαρεία nonnulli etiam σχολα-
 εἰκίον. εἰκία, ut Achmes in Introd. in
 Astrol. in Gloss. Meurs. δηλοῖ
 πάλιν κρηκία δειμέα, καὶ ἐγκόσ-
 μια, δακτυλίδια, βραχιάλια, σχολ-
 λαρεία, καὶ τὰ ὅμοια. Aliter adhuc
 in Turcogræcia Crusii est : σχολα-
 εἰκία.

Τεῖ- Pro inauri sumitur τρεῖς &
 π & apud Pollucem Lib. v. cap. 16.
 pro in- Nec dubium à figura huic au-
 auri qua- rium ornamento impositam de-
 re ? mina-

minationem esse, quemadmodum & ἑρμαῖα τρίγλῃνα apud *Homerum* de quibus mox. Notat hoc *Cæl. Rhodiginus Antiqu. Lection. Lib. viii. cap. 15.* cum tamen non diffiteatur alia etiam esse hujus verbi significata: ut *Lactantio Grammatico*. *Tripod* est species lauri tribus radicibus, Apollini consecrata propter triplicem vim divinationis. Tripodem etiam mensam dici, apud *Atheneum* videre est *Lib. II. Deipnosoph.* Præcipue vero mensa Apollinis corio serpentis Pythonis tecta Tripod vocatur.

Ultimo loco inter plurimas *ἑρμα-*
Inaurium notiones addit *Pollux*, τα
nomina illis à forma indita, ad- τρίγ-
ducens *Homerum*, qui τρίγλῃνα λῃνα
ἑρμαῖα ὀνόμασεν, ὡς τριῶν ἑιδῶλα unde
τριῶν ἔχοντα, tanquam trium pu-
pillarum formam habentia. Oc-
currit autem locus ille Homeri-
cus

cus Iliad. ζ. ubi insuper ea auri-
bus dicata egregie elucescit :

Ἐν δ' ἄρα ἔρμαζι ἦκεν εὐτρήθισι
λοβοῖσι,

Τρίγληνα, μωρόεντα.

Idem etiam repetit & indigitat
Homerus Iliad. Σ. v. 295.

Ἐρμαζι δ' εὐρυδαίμανι δὴν θερά-
πωντες ἔνεικαν

Τρίγληνα, μωρόεντα.

Ubi scholiorum brevium auctor

exponit : τρίπορακόσμη, τριόφ-
κοκκα. θάλμα, τρίκοκκα. Ita ut τρίγληνα
ἔρμαζι sint *inaures* triplicis pu-
pillæ figuram habentes. Ita enim
apud *Dioscoridem* Lib. i. c. 176.
genus mespili quoddam dicitur
τρίκοκκον, quod tria intus ha-
beat officula veluti grana. Inde
tracta quoque similitudine, no-
tante *Henr. Stephano*, apud *A-
thenæum* Lib. viii. ἡ ἐκάτη dici-
tur τρίγληνον, quæ aliàs τρίμορ-
φον à Græcis atque à Latinis

Poë-

Hecates
quare
Trifor-
mis ?

Poëtis Triformis dicitur, uti
post *Horat.* *Triformem Hecaten*
dixit *Seneca.* Ego arbitror Græ-
cos per *τρίγλυναι* idem dixisse,
quod Latini *Tribaccam.* Ita
enim apud *Petronium* Arbitr. ^{Petro-}
leg. ex emend. *Lotichii & Hadr.* ^{nus e-}
Iunii, qui pro tibi *baca*, resti- ^{menda-}
tuunt: *Tribaca*: ^{tus.}

Quo margarita cara, Tribaca,
Indica?

An ut matrona ornata phaleris
pelagiis,
Tollat pedes.

Significat hic margaritam quæ ^{Tribaca}
tribus bacis unionibusve inauri ^{quid?}
insertis constabat: quippe binos
ternosque elenchos aurea bra-
ctea conjunctos auribus suspen-
sos alibi notamus.

CAPUT II.

Inaurium forma, varietas compages & pretium. Ubi & de Acu crinali.

Inaurium differentia à forma.


DE variis *Inaurium* tum formis tum differentiis earumque varietate partim egimus cap. i. partim exponemus capite sequente, cum earundem materia multiplex occurret. *Julius Pollux* in *Onomastico* pro diversitate gentium atque varietate figurarum plurimas *Inaurium* differentias exhibet. Ita *inaures* quæ trium pupillarum formas habebant, ἑρμαῖα τρίγλυνα dicta sunt, quemadmodum *Tribacæ* Latinis. Eadem etiam notatione à forma desumptâ τριῶν pro *inaure* apud *Pollucem*.

Guttæ sive σταλαγμῆ figuram habentes *inaures* eapropter *Stalagmia* dictæ. De his omnibus

nos

nos capite præcedente plenius egimus, nec aliud jam addituri.

Tantum cultus hujus instrumenta dabimus & ex *Laur. Pignorii* de Servis commentario varias *Inaurium* formas, quæ olim exstabant Romæ apud Lælium Paschalinum.



Vbi videtur *inauris* ærea gemmis tribus vitreis oblongis dependentibus ornata. Visitur &
sta-

stalagmium è rudi ametysto. *In-*
aures præterea, altera ex auro to-
 ta, altera distincta margaritis, &
 quidem ad figuram nostrarum
 recentium proxime accedens. Bi-

Elenchus
 ex inau-
 ribus de-
 pende-
 bat.

ni insuper *elenchi*. Erat autem *e-*
lenchus, lapillus ex genere mar-
 garitarum, quæ ex *inauribus* de-
 pendeabant. *Paul.* de aur. & arg.
 leg. Lib. xxxii. §. 8. *Item cum in-*
aures, in quibus duæ margaritæ,
elenchi & smaragdi duo, legasset
& postea elenchos detraxisset, &
quereretur an nihilominus detractis
elenchis in aures deberentur, respon-
dit deberi quamvis margaritæ de-
tractæ sint. Ideoque apud *Iuvena-*
lem. Satyr. VI.

Auribus extentis magnos com-
misit elenchos.

Vetus *Schol.* interpretatur, unio-
 nes margaritas oblongas, magna-
 rum gemmarum *elenchos*, quos
 & titulos appellant. Nosque
 eos supra exposuimus. In Lib.
 de

le Vasculis apud Bayfium colligi-
 videtur ex *Plinio elenchos* & cy- Elenchi
& cylindri quo-
modo
differant.
 indros in eo differre, quod *elen-*
chi sint fastigiatae longitudinis,
 cylindri vero proceritatis æquali-
 ter orbiculatae. De iis autem *Pli-*
nus Nat. Histor. Lib. IX. cap. 35.
 ubi de margaritis loquitur: *Sum-*
ma laus coloris est, inquit, exalu-
minatos vocari, & procerioribus
sua gratia est. Elenchos appellant
fastigiata longitudine, alabastro-
rum figura in plenior orbem de-
finientes. Hos digitis suspendere, &
binos ac ternos auribus fœminarum
gloria est. Et mox: Siquidem cum
id fecere Crotalia appellant, seu
sono quoque gaudeant, & collisu
ipso margaritarum. Hic alabastri
 formam *elenchis* tributam vide- Elenchi
forma.
 mus, quam etiam talem, ex eo-
 dem *Plinio* alibi probat *Fortu-*
nat. Schackius Myrothec. I. cap.
47. qualem hic exhibemus.



Plinius enim de rosa Lib. XXI. cap. 4. agit, & roseos corymbos his verbis describit: *Germinat omnis [rosa] primo inclusa granato cortice, quo mox intumescit, & in virides alabastrum fastigiatos paulatim rubescens dehiscit. Vbi Schackius contendit Plinium roseos corymbos non aliqua illorum similitudine ad alabastrum lapidem, virides alabastrum dixisse,*

Rosei
corymbi
quare a-
labastri
dicti.

se, sed proportionem earundem ad alabastrina vasa & formam alabastrum unguentarii. Pro qua alabastrum forma stare etiam credit *Iuvenalem* Satyr. vi. nuper citatum.

Apud Nonium Marcellum cap. vi. corruptus occurrit locus: *Ante auris modo ex sobolibus parvuli intorti dimittebantur, sed cincinni &c.* Quem qui corrigunt, suspicionem nobis injiciunt, inaurium hic fieri mentionem sed minuti generis, dum ita reponunt: *Ante inauris nodo crobyli parvuli dimittebantur ex cincinnis.* Vide *Scalig.* in *Cata-* Non. Marcel-
lus casti-
gatus. lect. & *Palm.* i. Spicil. Erant autem cincinni capitis crines contorti & crispati. Quare *Tertullianus* de cultu Foeminarum: Quid Cincin-
ni quid? crinibus vestris quiescere non licet, modo substrictis, modo relaxatis: modo suscitatis modo elisis? *Aliæ* gestiunt in *cincinnis*

C coër-

coërcere , aliæ ut vagi & volucres elabantur non bona simplicitate. Dicti sunt & *cirri*. *Varro*

Cirri. Cato vel de liber. educandis ; apud *Nonium* : *Ambracia primum puerilem capillum demptum, item cirros ad Apollinis ponere solent.* Idem *cincinni* intorti, *Capreoli* dicuntur apud *Festum*.

Capreoli quid ?

Quare *comam* in gradus formare dicitur apud *Sveton.* in *Neron.* cap. 41. Et *comam* in gradus frangere apud *Quintil.* Lib. 1. cap. 6. & *Senecam* *Controv.* 1. Muliebrem cultum imitatus *Caligula* his *cincinnis* atque anulis *comam* concinnasse dicitur. Meminit horum *Cicero* in *Pisonem* : *Erant illi compti capilli & madentes cincinnorum fimbriae.* Et tale

Capillus cincinnatus.

cincinnatum & bene compositum capillitium exhibet nobis *Gemmæ delineatio* apud *Tomasinum* Lib. de *Donariis* ex *Musæo Cl. Equitis Fr. Gualdi* ubi

pri-

privatum Matronarum votum
cernitur hoc cultu.



Coeterum ne talis crinium
compago laxius flueret & cin-
cinni capillorum sparsi dissipa-
rentur *acu crinali* inhibebant fœ- Acus cri-
nalis.
minæ; teste *Isidoro* Lib. XIX.
Orig. cap. 31. Eundemque usum
acus agnoscit *Hieronimus* in
caput III. *Esaia*. Et de aurea
acu Martialis Lib. XIV. Epi-
gramm.

*Tenuia ne madidi violent bom-
bycina crines,*

*Figat acus sparsas, sustineatque
comas.*

Ejus u- Istā itaque acu omnes annuli vel
fus. cincinni comarum in capite jam
ornato fixi continebantur, ut
ordinem servarent. Quod præ-
ter dictos haud obscure innuit
Martialis Lib. II. Epigr. 66.

*Vnus de toto peccaverat orbe
comarum*

*Annulus, inserta non bene fixus
acu.*

Acus
crinalis
quare?

Dicebaturque ab officio *acus cri-
nalis.*

Prudentius Psychomach.

--- *Crinalis acus, redimicu-
la, vittæ.*

Ad differentiam ejus quæ *com-
ptoria* vel *discriminalis* vocaba-
tur, qua capillos tantum ante
frontem dividebant. Sed *acus*
crinalis semper ordini cincinno-
rum inserviebat. *Apuleius Me-
tam.*

tam. Lib. VIII: *Ad hunc modum vaticinata mulier, acu criminali capite deprompta, Thrasylli convulnerat tota lumina. Ad acum hanc respexisse judico Claudianum, de Bello Gildonico v. 137.*

-- *rescisse vestes, & spicea passim*

*Serta jacent, lacera crinales
vertice dentes,
Effractum pendebat ebur.*

A figura *curvum crinale* nominat Crinale
curvum.
Ovidius Metamorph. Lib. V.
v. 52.

*Ornabant aurata monilia col-
lum,
Et madidos myrrha curvum cri-
nale capillos.*

Et fortasse parum aberit quin affirmare possim hanc eandem *acum* intellexisse *Claudianum*, qui in *Prob. & Olyb. Consul. v. 85.*

*Nam neque cesariem crinali
stringere cultu*

*Colla nec ornatu patitur mollire
retortó.*

Acus ex
ebore.

Crinales acus ex ebore quodammodo agnoscere videtur *Claudianus* de Laud. Stilic. Lib. II. v. 256.

Cum spicis & dente comas illustris eburno.

Ex arundine.

Ex arundine illas notat *Cæl. Rhodiginus* Lib. XVIII. Lektion. Antiquar. cap. 10. Calaucidas, inquit, vocant *harundineas acus* firmandis *cincinnis*, aut velamentis comparatis, quarum vicem implent modo æreæ vel argenteæ aciculæ. At aureas puras & gemmatas *acus* crinales ex *Pignorii* de Serv. Commentario hic exhibeo.

Quæ leviter à summo inflexæ vel ad reponendos vel comendos crines. Nam aliud & à priori diversum usum *acus* demonstrat *Claudianus*:

Illi



*Illi multiplices crinis sinuatur
in orbes*

Idalia divisus acu.

Scilicet hac acu, quæ discrimina-
lis dicta, mulieres crinem à fron-
te dividebant, & hoc discrimine
à virginibus distinguebantur.

Acus di-
scrimi-
nalis.

Nam virgines cirratae erant, mu-
lieres autem crines à fronte divi-
fos gerebant. Quod ex *Tertulliano*
haud obscure elicitur, qui de
velandis virginibus ita : *Simul-
que se mulieres intellexerunt, ver-
tunt capillum, & acu lasciviore
comam sibi inserunt* [id est: acum

Mulie-
rum pro-
pria.

Hastæ
cuspide
Nupta-
rum co-
mæ di-
scrimi-
natæ,
quare?

comæ inferunt] *crinibus à fronte
divisis, apertam professe mulieri-
tatem.* Sed cur nuptarum comam
hastæ cuspide discriminarent, vi-
de *Plutarchum* in *Quæstion. Ro-
man.* Nimirum Celibaris hasta
gladiatoris dicta est quæ in capite
mortui stetit, quâ olim nova nup-
ta sisymbrio prius coronata ca-
put comere frontemque disci-
minare solebat, quod inde for-
tes se viros genituram ominare-
tur, aut quod sponsi disciplinæ
se subolitam fateretur. De hac
Ovidius:

*Nec tibi quæ cupide matura
videbere matri
Comat virgineas hasta recurva
comas.*

Discer-
niculum
quid?

Dicta & *acus* hæc discriminialis,
discerniculum. Ita apud *Lucillum*
Lib. XXX. Satyr.

*Euplocamo digitis, discernicu-
lumque capillo.*

No-

Nonius interpretatur acum quæ capillos mulierum ante frontem dividit. Varro Lib. IV.

Discerniculum quo discernitur capillus.

Pro *acu* hac etiam *discriminale* dictum. Unde *Isidorus*, *discriminabilia* capitis mulierum ex eo vocata esse tradit, quod caput auro discernant. nam discriminare dividere dicitur. Itaque per *discriminabilia* quæ caput auro discernunt, solum intelligitur *acus* *discriminalis aurea*. Atque hæc eadem *Apuleio* etiam *comatoria* dicta est: *Acu comatoria malas pungebat*. Vbi perbellè nomini suo respondere videmus cum revera sit *acuta*. Ita & *Ovidius* de *acucrinali*:

Disri-
ma cle
pro acu.

Acus co-
matoria.

Acuta.

Et rapta brachia pungit acu.

Huic affinis forsan *Cnason*, *acus*, quâ mulieres scalpunt caput, apud *Festum*. Hac *acu* siue *crinali*

Cnason
quid ?

Calami-
stri usus.

Nonius,
Hesy-
chius,
notati.

Calami-
strum &
discerni-
culum
diversa.

sive discriminati, quæ aurea erat
vel ad continendos vel distin-
guendos capillos, vix credide-
rim usos esse veteres ad torquen-
dos & vibrandos capillos, nam
hic proprius usus erat *calamistri*,
qui ex ferro. Alii tamen *calami-
strum* acum exponunt. Ita *Ser-
vius* *calamistrum acum* majorem
interpretatur, *quæ calefacta &
adhibita intorquet capillos*. *No-
nius* *calamistrum* exponit *brevem
fistulam qua cirri continentur*. Quo
respectu *Hesychius*, καλαμίδει,
κρομήριον πρὸς πλοκήμας, dicit.
Sed meo iudicio parum conve-
nienter, quia hæc *acum crina-
lem* præstare supra sufficienter
exposuimus. Et ipse *Varro* aper-
tè *calamistrum* & *discerniculum*
separat qui Lib. iv. de Lingu.
Latin. *Calamistros* *stylos* inter-
pretatur. *quod his calefactis in ci-
nere capillus ornatur*. *Discerni-
culum, quo discernitur capillus*.

Can-

Candente itaque calamistro crinis crispatus. Cicero de Cæsare in Bruto: *Ineptis fortassis gratum fecerit, quo volunt illa calamistris inurere.* Et præter Sueton. Iul. Cæs. cap. 56. meminit etiam memoratus Cicero de Oratore: *Removebitur omnis insignis ornatus, quasi margaritarum, nec calamistri quidem adhibebuntur.* Ad ultimum, qui anulatam comam gerebant, *calamistrati* dicti. Vt *Calamistratus* saltator Cic. pro Sextio. *Cinædæ calamistratæ* Plauto in Asinaria. Et denique ipsa coma *calamistrata* apud Ciceronem. Verum qui de acu crinali vel comatoria plura velit, adeat *Salmas.* in Solinum & *Dempsterum* in Antiqu. *Rosini*, quo Lectorem remittimus. Nos à diverticulo in viam.

Inaures duas insignes in Numismatis binis, Phæniceis literis, vide apud Bernard. *Aldre-*

tum in Antiquitatibus Hispani-
cis pag. 179. Quæ & ego à Viro
Clarissimo & Celeberrimo Dn.
Daniele Papebrochio è Societate
Iesu, cujus in *Actis Sanctorum*
labores æternùm orbis mirabi-
tur, ad communem amicum *An-*
dreæ Frisum transmissa publico
non invidebo.

Itemque in Pinaco theca in-
structissima Noviomagensi *Sme-*
tii exstat *inauris* aurea cum grana-
to rudi.

Coëterum ut forma *inaurium*
varia, ita nec pondus nec pre-
tium omnibus idem. Pro ratione
dignitatis & fortunarum, hæc,
ut reliqua ornatus instrumenta,
diversa erant. Apud alios in tan-
tum crevêre sive luxus sive digni-
tatis hæc indicia, ut in iis inte-
gra consumpserint Patrimonia,
atque locupletis & universæ do-
mus censum auribus gesserint.
De iis pulcherrime *Hieronymus*
ad



ad Demetriadem : *Vt taceam*, inquit, *de inaurium precijs, candore margaritarum rubri maris profunda testantium, smaragdorum virore, cerauniorum flammis, hyacinthorum pelago, ad quæ ardent & insaniunt studia matronarum. Hæc est illis per singulos dies cura præcipua, implicare auro crinem, suspendere ex auribus Patrimonia.* Ponderus indicatur apud *Plautum* in *Menæchm.* Act. III. Scen. 3.

Inau-
rium
pondus.

---- Inaureis da mihi

Faciundas pondo duûm nummum Italagmia.

Et revêra *Inaures* non solum magni ponderis sed & immensi pretii fuisse, luculentum testimonium exhibet apud *Lampridium* Alexand. Severus Imp. cujus uxori quum quidam legatus obtulisset magni ponderis & inusitata mensuræ uniones duos, vendi eos

eos iussit: Atque quum precium non invenirent, ne exemplum malum à Regina nasceretur, si eo uteretur quod emi non posset, *Inauribus Veneris* eos dicavit.

Præterea *Iudic. c. viii.* cum ab Ismaëlitis Gideon postulasset ab unoquoque *Inaurem* spoliorum suorum, fuisse dicitur *pondus inaurium aurearum* quas postulaverat mille & septingentorum aureorum. *Genes. cap. xxiv. v. 22.* legimus pondus *Nezem auri* Rebecca à servo Abrahamæ oblatis fuisse dimidiati sicli. Vbi Lxx.

vertunt, ἀνὰ δραχμὴν ὀλίγη, ponderis drachmæ. Atque ii ad sensum optimè, iudice *Amamâ* Censur. in Vulg. Interpret. Siclus enim communis & profanus, quem laicum vocavit *Pagninus*, erat διδραχμῶν, id est, valebat duas drachmas; idque teste *Hesychio*, Δύναται ὁ σίκλος δύο δραχμαὶ ἀπληγῶς. Quod vero

Lxx. Interpretes defensi.

Siclus, quantum?

Iose-

Iosephus Antiqu. Lib. III. cap. 10.

ait, σίκλον δὲ χεῖται δραχμῆς πέντε
σάρας, de sacro intelligendum

est, qui profano duplo major

erat. De quibus videri pluribus

potest *Drusius* ad loca diff. Mo-

sis, & *Waserus* de nummis He-

bræorum. Atque ea distinctio

sicli non observata *Augustinum*

Steuchum eo induxit, ut LXX.

Interpretes nullo jure hoc nomi-

ne culpaverit, quod siclum per

drachmam exposuerint. Vulgata

autem versio hoc loco legit:

Postquam biberunt Cameli protulit
inaures aureas appendentes duos
siclos. At siue hoc de alterutra

siue utraque interpretandum, vix

hanc vulgati versionem expedire

licet. Conatur tamen *Lyra* hanc

litem dirimere, & dictam inter-

pretationem vindicare hunc in

modum: In Hebræo habetur,

inquit, protulit in aurem auream,

cujus pondus erat medietas sicli,

&

August.
Steuchi
error.

Vulgatus
vindica-
tur.

& probatur per hoc, quod habetur *Exod.* cap. 38. ubi eadem dictio ebraica ponitur pro dimidio siclo. Potest tamen dici quod in Exodo loquitur de siclo ad pondus sanctuarii, & potuit esse majus pondere usuali, in tantum quod medietas sicli sanctuarii valebat unum siclum usualement. Tamen, sicut dictum est aliàs, in talibus ponderibus nihil est certi, quod valde mutantur secundum diversas gentes & secundum eandem gentem diversis locis & partibus. Per hoc verò quod in Ebræo dicitur, *inaurem*, in singulari, intelligitur etiam sibi correspondens, quod non ornabatur una auris sine alia, & quælibet *inauris* erat æqualis ponderis. Et sic solvitur dissonantia, quæ videtur esse inter translationem nostram & literam ebraicam. Haftenus *Lyra*. Cæterum hæc ejus pro *Vulgato* apologia aliis

Lyra reprehensus.

aliis minus arridet, qui contendunt, siclum sacrum tunc temporis necdum exstitisse, utpote cuius origo non altius quam ipsius sanctuarii arcessi potest; unde siclus sanctuarii etiam siclus ad mensuram sanctuarii proprie dicitur.

Inaurium
pretium.

Apud alios *Inaures*, quæ tanti & pene immensi fuere pretii, vel Regiæ magnificentiæ atque Majestatis, vel muliebris luxuriæ atque superbiæ indicia erant. Talis fuit unio, cuius apud *Pancirollum* meminit *Zonaras*, quem Rex Persarum Perosa in expeditione adversus albos Hurnos à dextra aure detractam abjecerat, & postea repertum Iustinianus centum auri libris redimere à Barbaris voluit. Sic plurimos alios nec contemnendi pretii etiam mulierum luxuriæ sed potius insanix inserviisse videmus. Serviliæ Catonis Vticensis sorori

Iul.

Jul. Cæsar. Margaritam emit sexagies f sestertio , teste *Suetonio* cap. I: Sed ante alias dilexit *M. Bruti Matrem Serviliam* : cui & proximo suo consulatu sexagies *H. S. Margaritam mercatus est*. Quam summam , ex calculo *Budæi*, centum quinquaginta millium coronatorum facit *Lipsius* ; quippe per sexagies f sestertium , intelligenda sexagies centena f sestertia , in singula autem f sestertia xxv. Coronatos taxandos esse. Similis unio Cleopatræ , quæ maxime singulare illud & verè unicum naturæ opus auribus gessisse dicitur , cumque sponsonibus cum Antonio factis eum ex aure detractum ac liquefactum absorbuisset , una cœna dicitur centies f sestertium consumpsisse , apud *Plinium* Nat. Hist. Lib. ix. cap. 35. Confirmante idem luculenter *Macrobio* Saturn. Lib. III. cap. 17. Pari in-

Unio
Cleopatræ.

inglurie filium Æsopi, in unica
 ex aure Metellæ detracta baca,
 decies centum millia sestertiūm
 nummūm devorasse dicit *Ho-*
ratius Lib. II. Sat. 3. Vnde col-
 ligitur etiam tanti unicam il-
 lam Metellæ *inaurem* æstima-
 tam. Atque in hac tanta com-
 muni infania, quasi quoddam
 luxus certamen inter omnes
 erat. De Lolia Paulina, quæ
 fuit Cai Principis matrona, ha-
 bemus *Plinium* confitentem Na-
 tur. Histor. Lib. ix. c. 35. se eam
 vidisse smaragdis margaritisque
 opertam, alterno textu fulgen-
 tibus toto capite, crinibus, spi-
 ris, *auribus*, collo, manibus
 digitisque, quæ summam *qua-*
dringenties sestertium colligebat.
 Nec sane exigui momenti *unio*
 ille quem Vitellius, cum exi-
 turo viaticum defuisset, detra-
 ctum ex *aure* matris solum pi-
 gnoraverat ad itineris impensas
 omnes,

Vnio Vi-
 tellii.

omnes , referente *Suetonio* in
Ejus Vita cap. vii. Hic tantis
sumptibus unio sufficiebat , qui
antea non nisi inutilem & invi-
dendum ornatum uni dederat
auriculæ. . . Sanè tot immodici
sumptus ideo solùm effusi ut uni-
ca splendeat auricula , potuissent
in usus verti meliores. Vidit hoc
Zenon Martyr , qui Serm. de
Iustit. pulcherrime ita fatur : O
quantarum necesse animarum in
phaleris pendent ornatae *Matro-
nae* ! Ornamentum , cuius unum si
solvas in precium , distribuasque
necessitatibus singulorum , ex eo-
rum respiratione cognosces , quan-
torum malo ille constet orna-
tus.

CAPUT III.

Inaurium Materia.

Inaurium varias materias elegere delicatuli, prout major vel minor luxus animos invaserat. Nec contenti his spoliis superbientes iis luxus instrumentis, quæ facile & sine periculo aut vitæ dispendio acquiri poterant, verum Margaritas & spolia Orientis pro ornamentis aurium habebant. De hac iniquitate conqueritur non uno loco *Plinius*, quod non ament nisi ea quæ summo vitæ discrimine constent, & non appetant nisi eam prædam, quam qui acquirunt ipsi prædæ fiunt. Ita enim dictus *Plinius* Natur. Hist. Lib. ix. cap. 35. *Inter scopulos pars major*

Inaures
ex Margaritis.

[Margaritarum] invenitur, sed in alto quoque comitantur mariniscani-

anibus. Nec tamen aures fœmi-
narum arcentur. Idem Præfat.
in Lib. XII. *Quo magis & magis,*
inquit, admirari subit, ab iis
principiis cadi montes in marmo-
ra: Vnionem in rubri maris pro-
fundo, smaragdum in ima tellure
quari. Ad hoc excogitata sunt
aurium vulnera. Et inter alios ^{Aurium} ~~vulnera.~~
hanc luxuriæ materiam maxime
damnabant Christiani Zelotes,
quod docet apertè D. Hierony-
mus, qui cum alibi tum etiam
eleganter de Romanis matronis
conqueritur in Vita B. Marcellæ
viduæ Romanæ, quod soleant
pupurisso & cerussa ora depin-
gere, sericis nitere vestibus,
splendere gemmis, aurum por-
tare cervicibus & auribus perfo-
ratis rubri maris pretiosissima gra-
na suspendere. Totum hunc appa-
ratum luxus magnificum ele-
ganti carmine persequitur Aur.
Prudentius:

Ac velut artificis Domini manus imperfectum

Os dederit, quod adhuc res exigat aut hyacinthis

Pingere sculptilibus redimitæ frontis in arce.

Colla vel ignitis sincera incingere sertis,

Auribus aut gravidis virides suspendere baccas.

Baccæ
virides
in auribus.

Receptissima itaque est hæc *inaurium* materia, & margaritarum auribus suspensarum indicia apud plurimos authores. Paucos adducam ne nimia prolixitate tædium pariam. *Seneca* *Hippolyt.* Act. II. Sc. I.

--- *Nec vivens lapis*

Diducat aures, Indici donum maris.

Et *Horatius* *Epodon* VIII.

Nec sit marita quæ rotundioribus

Onusta bacis ambulet.

Hic

Hic enim optima quævis exemplaria *bacis* leg. pro *baccis*. Nec An Bacæ
vel Bac-
cæ? rationem habent contrariam.

Baccæ enim propriè sunt lauri, oleæ, myrti, & id genus arborum fructus, ut apud *Ovidium* *Metamorph.* Lib. x. v. 98.

*Et bicolor myrtus & baccis cæ-
rula ficus.*

Ad quarum similitudinem etiam *bacas* vocabant *Margaritas*. Quæ appellatio pro unionibus vel ex eo *Virgilii* elucescit:

Colloque monile bacatum.

Quamvis non negaverim & *baccas* pro unionibus dixisse alios. Ut *Ovidius* Lib. x. *Metamorph.* Fab. viii. v. 264.

*Dat digitis gemmas dat longa
monilia collo,*

*Aure leves bacca, redimicula
pectore pendent.*

Cuncta decent.

D

Et

Et *Claudianus* de VI. Honor.
 Consul.

Baccis onerat candentibus au-
 res.

Lapis
 pro baca. Interdum solo lapidis nomine
bacæ istæ Margaritarum, quæ
 aures occupabant, indigitatæ.
 Invaluit hic mos loquendi apud
 plurimos. *Ovidius* Lib. III. Ar-
 tis Amand.

*Vos quoque nec caris aures one-
 rate lapillis*

*Quos legit in viridi decolor In-
 dus aqua.*

Martialis Lib. II. Epigr. 50.

*Gemma vel è digitis, vel cadit
 aure lapis.*

Nec aliter *Manilius* Lib. v. de
 Cassiope:

*Perque caput ducti lapides, per
 colla, manusque.*

Sed unus mihi instar omnium
Naso, qui denominationis hu-
 jus

jus luculentus testis est Lib. I.
Art. Amator.

*Quid quod mendaci damno mæ-
stissima ploras
Elapsusque cava fingitur aure
lapis.*

Commendantur autem *bacæ* seu Bacæ æ-
stimatio. Margaritæ à rotunditate, quare
supra *Flaccus*: Rotundioribus o-
nusta *bacis*. Et apud *Plinium* Nat.
Histor. Lib. ix. cap. 35. Marga-
ritarum dos omnis in candore,
magnitudine, orbe, lævore,
pondere consistit. Oblongas au-
tem *elenchos* vocabant, quod *Ju-
venalis* Sat. vi. indicat.

Nolo pluribus hæc tractare
cum ex unione solius Cleopatæ
constet Margaritas aurium orna-
mentis dicatas. De Cleopatra
Lucanus Pharsal. Lib. x. v. 137.

*Nec sceptris contenta suis, nec
fratre marito,
Plena maris rubri spoliis collo-
que comisque*

Divitias Cleopatra gerit, cultuque laborat.

Historia
unionis
Cleopatrae.

Fuêre quippe duo maximi uniones per omne ævum, referente *Plinio* Nat. Hist. Lib. ix. cap. 35. utrumque possedit Cleopatra Ægypti Reginarum novissima per manus Orientis Regum sibi traditum. Hæc, cum exquisitis quotidie Antonius saginaretur epulis, superbo simul & procaci fastu lautitiam ejus omnem apparatusque detrectans, quod astrui magnificentiæ possit, respondit, una se cœna centies sestertium absumpturam. Cupiebat discere Antonius, sed fieri posse non arbitrabatur. Ergo sponsonibus factis postero die quo judicium agebatur, magnificam aliàs cœnam ne dies periret, sed quotidianam Antonio apposuit irridenti, computationemque postulanti. At illa corollarium id esse consumpturamque se ea in
cœna

cœna taxationem confirmans, solamque se centies sestertium coenaturam. Inferri mensam secundam jussit. Ex præcepto ministri unum tantum vas apposueret aceti, cujus vis & asperitas in ^{Aceti vires.} tabem Margaritas resolvit [quas aceti vires etiam præter *Vitruvium* Lib. VIII. cap. 3. ipse *Plinius* docet Lib. XXIII. cap. 1.] Gerebatque auribus tum maxime singulare illud & vere unicuique naturæ opus. Itaque spectante Antonio quidnam esset actura, detractum alterum merfit & liquefactum absorbuit. Injecit alteri manum &c. Hactenus rem latè persequitur *Plinius*. A quo nihil ferè diversum sentit *Macrobius* qui eandem historiam tradit *Saturnal.* Lib. III. cap. 17.

Pretiosam illam Cleopatrarum ingluviem imitati alii. De Clodio Æsopi Tragædi filio *Horatius* Satyr. Lib. II. Sat. 3.

Filius Æsopi detractam ex aure Metellæ,

Scilicet ut decies solidum absorberet, aceto

Diluit insignem baccam.

Vniones
pro in-
auribus.

Ex dictis uniones auribus destinatos patet, & quidem unicum unionem ornamentum totum absolvisse. Conjungebant tamen alii, quasi in quodam luxus certamine, duos, tres, quatuorve, atque ita utraque aure gerebant.

Vniones
plures
simul
juncti.

Vt confitetur *Plinius* Lib. IX. Natur. Histor. cap. 35. ubi de unionibus loquitur: *Hos digitis suspendere, & binos ac ternos auribus fœminarum gloria est. Sic Seneca de Beneficiis* Lib. XII. cap. 9. *Video uniones non singulos singulis auribus comparatos; jam enim exercitata aures oneri ferendo sunt: junguntur inter se & insuper alii binis superponuntur. Non satis muliebris insania viros*
sub-

subjecerat, nisi bina ac terna
patrimonia auribus pependissent.
Quare non inconvenienter Clau-
dianus de VI. Consul. Honor.
v. 561.

Conspicuas cum flore genas dia-
demate crinem,
Membraque gemmato trabecæ
viridantia cinctu,
Et fortes humeros & certatura
Lyæo
Inter Erytræos surgentia colla
smaragdosa
Mirari sine fine nurus.

Et hæc quidem Inaures ex Mar-
garitis fuisse demonstrant.

Ex auro factas non uno loco Inaures
obervo. Proverbior. cap. xxv. ex auro.
v. 12. ex vulgata versione: Inau-
ris aurea & Margaritum fulgens,
qui arguit sapientem & aurem
obedientem, ubi נֹסֶה זָהָב וְחָלִי.
נתם Schol. ἐνώλον χρύσεον καὶ
πρωσις χρυσοῦ: inauris aurea &


Pinosis
quid?

Strobu-
lus.

Tertul-
lianus
emenda-
tus.

Inau-
rium

pinosis aurea. Quid per *pinosis* hic propriè intelligendum, non dixerim. Si conjecturæ locus sit, dicam inde fluxisse, quia Græcis pineam nucem *strobulus* significat, gestamen ex auro Barbarorum quorundam. Ideo *B. Rhenanus* cum apud *Tertullianum* Lib. de Veland. Virgin. putasset in prima sua editione pro *Crobulos Barbarorum* legi debere *scrobulos*, quod diminutivum est à *scrobe*, aurium nempe foramina per quæ Barbari trajiciebant gemmas & annulos; in altera editione reponit *strobulos*. Et certè *σρόβυλλοι* *Iulio Polluci* Lib. I. Onomast. c. 9. n. 17. & Lib. IV. c. 20. Latine *turbo* redditur à *Rudolph. Gualtero*. Et apud eundem Lib. v. cap. 16. *σροβύλια*, *inaures*, in mundo muliebri inter *ενώλια*, *ἐκκοβια* &c. reponuntur, easque *rotulas* interpretantur: Vnde concludi potest

test *inaures* fuisse formâ rotundâ. Forma.
 Quæ turbinata forma cum pinea
 nuce convenit & forsan etiam
 cum *Pinosi* nostra. Nisi melius
Hieron. pro *Pinosi* vertit *Marg-*
garitum fulgens, aliàs *Margari-*
ta fulgens. LXX. σάροδιον πολυτελές.
Chaldeus Paraphrastes, *vasa sma-*
ragdina. Præterea *inaures* au-
 reasprehendimus *Judic.* viii.
 ubi Gideon inquit : Postulabo à
 vobis postulationem ut detis mi-
 hi quisque , *inaurem*, spo-
 liorum suorum : *Inaures autem*
aureæ erant iis quia Ismaëlita e-
rant. Et postea : *Fuit autem pon-*
ds Inaurium aurearum &c. Sic
 etiam *Iobi* cap. xlii. vers. 12.
 in vulgati versione legitur : Et
 dederunt ei unusquisque bovem
 unam, & *inaurem auream* unam.
 Nobilium puerorum *inaures*,
 quas ad indicium nobilitatis ge-
 stabant, ex auro erant. Con-
 firmat hoc *Apuleius*, qui de Inauris
aurea
nobilita-
tis si-
gnum.

Dogmat. Platon. *Auri tantum*,
 inquit, *quantum puer nobilitatis*
insigne in auricula gestavit. Au-
 Armilla rum enim sumitur pro Inaure
 aurea. aurea, uti sæpissime pro armil-
 lis aureis aurum tantum in la-
 certis vel brachiis, positum re-
 perimus. Vt Tibullus Lib. I. E-
 leg. 10.

*Ista hæc persuadeat facies, au-
 roque lacertos*
Vinciat & Tyrio prodeat apta
sinu.

Apud Ovidium itidem Heroid.
 Epist. IX:

*Non puduit fortes auro cohibe-
 re lacertos*
Nec solidis gemmas imposuisse
toris.

Pro torquibus aureis etiam au-
 rum in collo dictum est Hierony-
 mo, qui in Epistol. ad Lætam:
Nec collum auro & margaritis
premas, nec caput gemmis oneres.
 Eo-

Eodem modo sola gemma pro ^{Gemma}
annulo apud *Propertium* Lib. III. ^{pro an-}
Eleg. 5. ^{nulo.}

*Ornabat niveas nullave gemma
manus.*

Argenteas *inaures* reperio a-
pud *Athenaeum* Lib. VIII. Deip-
nosoph. *ἐν ᾧ τὰ ἐχέσας χρυσῶν καὶ ἀρ-
γῶν.* Vnde lux magna Inscriptio- ^{Inscri-}
ni illi apud *Gruterum* p. M LXVII. ^{ptioni}
ubi MINERVÆ. AVG. ^{vet. lux:}
dedicatas AVRES. AR-
GENTEAS. & EX. AR-
GENT. LIB. II. factas, per
inaures argenteas nos explica-
mus.

Imo, ex ære etiam *inaures* ^{Inaures}
erant. Ita *Laurent. Pignorius* ^{ærea.}
Comment. de Servis inter alia
cultus & mundi muliebris in-
strumenta, quæ olim exstabant
Romæ, apud *Lælium Paschali-*
num, exhibet *Inaurem* æream,
gemmis tribus vitreis oblongis.

dependentibus ornatam, forsan ex mundo tenuioris alicujus & pauperculæ fœminæ. Quales exacte describit *Ovidius* *Metam.* Lib. x. v. 115.

--- *Parilique ex ære nitebant
Auribus in geminis, circum
cava tempora, bacca.*

Quamvis alii, sed minus propriè legant *parilesque ætate nitebant*, & alii, sed minus eleganter, *parilique nitore nitebant*.

Inaures
Osseæ &
lignæ.

Inaures osseas atque ligneas vel pauperioribus quibusvis vel tantum Orientalibus gentibus usitatas crediderim. Hoc confirmatur, quod eas viris inter *Brasiliæ* incolas etiam in labro inferiori ab adolescentia perforato usitatas, è magno *Purchasi* Itinerario referat *Iob. Laëtius* *Nov. Orb. descript.* Lib. xii. cap. 16. & 20. Pariterque de lapide ex *Damanni* mente *Nephri-*

phritico *Anselm. Boetius de Boodt de Gemmis Lib. II. c. 110.* Mulieribus neutiquam, quibus magis volupe foratis auribus ligneos globulos suspendisse. De his ligneis, imo & osseis *Inauribus*, quæ *Nambipaya* à Brasiliensibus vocantur, apertius *Georg. Marcgravius Lib. VIII. cap. 6. de Vestitu & ornatu Brasiliensium*: Auriculas, inquit, perforant in tantum, ut <sup>Nambi-
paya
quid?</sup> digitum immittere possit foramini. Huic immittunt vel os aliquod cercopithecorum & vocant *Nambipaya*: vel lignum aliquod digiti humani magnitudinē filis gossypinis circumvolutum.

Denique Flores in auribus gestari solitos paucis monet *Ioseph. Laurentius Polymath. Lib. II. Dissertat. xxxvi. & confirmat ex Athenæo Deipnosoph. Lib. XII: Molle sysimbrium, aut rosa,*

Flores in
auribus
gestati.

aut lilium auri insidebat. Quo for-
san respiciens Calphurnius Eclog.

VI :

---- *ramosaque tempora molles*
Implicuere rosæ.

Rosæ
 crinibus
 implici-
 ta.

Varia
 Capillo-
 rum or-
 namen-
 ta.

Nisi de Coronis , quibus tem-
 pora cingebantur , hoc intelligi
 velimus , de quibus tacere con-
 sultius duco , quam vel parum
 dicere , vel post tot Homeros
 Iliada scribere. Nam aliàs rosas
 crinibus implicitas tum passim
 ex aliis tum ex *Euripide* in *Med.*
 constat. Nec solæ rosæ ornatui
 capillorum adhibitæ , nam præ-
 ter , laurum , myrtum , hede-
 ram , apium , vitem &c. capil-
 lis lilia circumdata legimus apud
Ovidium *Metam.* Lib. XII. *Hya-*
cinthum , à virginibus Spartanis ,
 apud *Theocritum* *Idyll.* XVIII.
 Et denique comis anemone im-
 plicita apud *Nonnum* *Dionysiac.*
 Lib. XI. Sed hæc taceo , quia has

ut

ut & alias Variarum gentium in crinibus vel ornandis, vel variè ponendis, vel nutriendis, vel tondendis, superstitiones me & alios edocebit, ætate non ingenio minor, frater amantissimus *Thomas Bartholinus* Filius, ubi ad lucem publicam maturuerint quæ in hac materia ex omni antiquitate non vulgaria collegit.

C A P V T I V.

Inaurium Faber.

ERant qui in *inauribus* fabricandis ex professo occupabantur. Eosque in Deorum numero fuisse, testis mihi est *Plinius* Natur. Histor. Lib. xxxiii. cap. 2: *Fabricas, inquit, etiam Deum fibulas & alia muliebris cultus, sicut Inaures, in primordio factitasse sine mentione annulorum.* Et hanc artem quasi jure quodam

Vulcanus
inau-
rium Fa-
ber.

quodam sibi vindicasse Vulca-
num, apud *Homerum* patet *Iliad.*
Σ. ubi *Thetidis* & *Eurynomes*
in se beneficia jactat & addit:

Τῇσι παρ' εἰνάετες χάλκευον δαί-
δαλα πολλὰ,

Πόρπας τε, γναμπταῖς δ' ἑλίκας,
καλυκῆς τε, καὶ ὄρμης.

Vbi *Spondanus* vertit:

*Apud istas per novennium fa-
bricavi artificiosa multa*

*Fibulasque, tortilesque armil-
las, fistulasque & torques.*

Camera-
rii la-
psus.

Ε'λίκας *Camerarius* reddit, tor-
ques, quanquam apud *Pollucem*
auribus hoc ornamentum genus
tribuatur. Ipsum *Poëtam* opti-
me explicat *Hesychius* apud
quem: ἑλίκες, ἢ ἐνώλεα, ἢ ψέλ-
λια, ἢ δακτύλιοι, vel *inaures*, vel
armillæ, vel *annuli*. Quanquam
verba *Homeri* licentius transtu-
lerit *Eoban. Hessius*.

-- *Quas*

— Quas apud arte mea fabri-
libus armis

Plurima confeci flabella, mo-
nilia, bullas.

Scilicet fabrilibus his operibus
non dedignabatur Vulcanus,
quamvis Deus, sed claudus,
cum clava in Lemno imperium
teneret. Monilia, quæ inauri-
bus affinia sunt, eum fabricasse <sup>Moni-
lium Fa-
ber.</sup>
author est Nonnus Dionysiac.
Lib. II.

Εργαζίνην δ' Ηφαιστον ἐθήμηνι κάλ-
λιπε λήμνω

Οφρακεν ἀσκήσειε νεοζδ' κτῶ σέο
νόμφη,

Ποικίλον αὐχένῳ ὄρμην ἐϋχερον
ἠνόπι κόσμῳ.

Operarium vero Vulcanum con-
suetæ relinque Lemno,
Ut construat noviter conjunctæ
tuæ nympha
Varium cervicis monile, bene-
coloratam splendido ornatu.

Moni-
lium Fa-
brica &
conne-
xio.

Occurrit alius apud Eundem
Lib. v. illustris locus, quem,
cum alii præteriêre, eò libentius
adscribam, quò elegantius fa-
bricam & connexum omnem
Torquium demonstrat.

Ποίκιλον ὄρμον ἔτλ' ἔξεν, ὃς ἀπεργ-
φείγ' ἱ νάτω,

Ὡς ὄφρις ἦν, ἐλικῶδες ἔχων δέμας,
οἷα γ' αὐτὴ

Δίσκοι ἀμφίσβαινα μέσῳ μηρύε-
ται ὀλκῶ

Ἴαν δ' ἀπὸ πλῦσαι δὲ ἀμφοτέρω κα-
ρήν,

Ἀμφελελιζομένη μελέων ἐπερρῶγε
παλμῶ,

Ες κεφαλὴν δὲ κάρηνον ἐφερπύ-
ζεσαι σιωάπτει,

Λοξὴ καμπύλα νῶτα περὶ κάρηνα
πορείη,

Ὡς ὅγε ποικίλ' ὄρμον ἐαγ' ἔλ' ἱ νά-
τω πταίνων,

Κάμπτετο κυρτῶ θείσαν ἔχων διδυ-
μόνα δειρήν.

Si in Latium transferas ita sonant:

*Varium monile fecit, quod stellis
lucente dorso,*

*Tanquam serpens erat, circulare
habens corpus, velut enim ipsa*

*Duplicis oris amphibæna medio
revolvitur tractu*

*Aculeum exspuens ab utroque
capite,*

*Circumvoluta membrorum alterjuga
vibratione*

*Ex capite vero in caput repens
complicat*

*Obliquo incurva dorsa circum-
saliens tractu,*

*Sic hoc varium monile fracta
dorsa tendens,*

*Flectebatur incurvatam habens
geminam catenam.*

CAPUT V.

*Inaures quas corporis partes
exornarint.*

Aurium
orna-
mentum
pro-
prium.

A Latinis non alii corporis
parti appensæ vel tributæ
Inaures, quam auribus, unde
denominatio etiam orta. *Am-
brosius* Lib. de Abrah. cap. 9. *Has
inaures habebat, quæ non grava-
rent aures: has virias quæ manum
non materiali auro ornarent, sed
spirituali actu levarent.* Et vix
aliunde suspensa dicuntur pre-
tiosa illa grana, id est, marga-
ritæ vel uniones, qui *inaures* de-
notabant, quam de aurium ca-
vernīs & cicatricibus. Quod,
quamvis non approbet in Chri-
stianis, refert tamen *Cyprianus*
de Habit. Virgin. *An vulnera,*
inquit, *inferri auribus Deus vo-
luit, quibus innocens adhuc infan-*
tia

tia & mali secularis ignara crucietur, ut postea de aurium cicatricibus & cavernis preciosa grana dependeant, etsi non suo pondere, mercium quantitate. Perbellè hic intelligit *inaures*, per preciosa grana è vulneratarum aurium cicatricibus atque cavernis dependentia. *Plinius*, non in alia parte fœminis majus impendium esse margaritis inde dependentibus, dicens, quid exprimit aliud quam *inaures*, nam eas expressè huic parti assignat? Ita enim ille *Nat. Hist. Lib. XI. cap. 37*: *Aures homini tantum immobiles. Ab iis Flaccorum cognomina. Nec alia parte fœminis majus impendium margaritis dependentibus. Vbi cum notem Flaccorum cognomina ab auribus fuisse, occurrit Paganorum superstitio, quam in aliis omnibus corporis partibus vel DIS suis dicandis vel pro Diis habendis,*

Flaccorum cognomina unde?

dis , ut alibi prolixius referre & justo servare volumini constitutum mihi est , ita hic solum annotabo , quod , præter alia monstrosa portenta , quæ molestè sane in hac re seduli auribus affinxêre,

In auri-
bus gen-
tium vir-
tus.

Cicero in Epistola ad Q. fratrem ,
in auribus omnium gentium ac na-
tionum positam virtutem dixerit.

In aure
memo-
riæ lo-
cus.

Teste *Plinio* Natur. Hist. Lib. x.
cap. 45. erat in ima aure memo-
riæ locus , quem tangentes atte-
stabantur. Et erat post aurem
æquè dextram *Nemesios* , quo
referebant tacto ore proximum
à minimo digitum , veniam ser-
monis à Diis ibi recondentes.

Quare *Maro* :

---- *Cynthius aurem*

Vellit & admonuit.

Ejusque partis contrectatio be-
nevolentiam , qua parentes liberi
prosequebantur , auditus sensu
animis inseri monebat , sicut *Cle-*

mens

mens Alexandr. Lib. v. Stromat.
Quamobrem olim mos erat ut
pueri Patres oscularentur arre-
ptis utrinque auribus, quod oscu-
li genus *χούρεον* Pollux vocat O-
nomast. Lib. x. Eòque respexit

Poëta:

Osculi
genus
arreptis
auribus.

*Et fœtus matrona dabit, natus-
que Parenti*

*Oscula comprehensis auribus eri-
piet.*

Aures etiam pro Deabus Pa-
gani reputabant, easque tanquam
Bonas Deas indigitabant, ut apud
Gruterum Inscript. Antiqu. pag.
Lxxxix. n. 6. Patavii apud Rham-
nusios in basi:

Aures
pro Dea-
bus Bo-
nis.

A V R I B V S

B. D. D.

P E T R V S I A

P R O B A

M A G I S T R A

G A L G E S T I

H E R M E R O T.

At-

Aurium
quæ pars
perfora-
batur.

Tertul-
lianus
explica-
tus.

Atque ut ad *inaures* revertar. Ex *Rhodigino* notandum Lib. III. Antiq. Lection. cap. 29. Aurium summam partem *αυρόβιον* dictam in flagitio deprehensis, ignominiae causa à veteribus præcisam. Imam vero partem, quam memoriae dicatam supra retulimus, *lobon* dictam, pro appendendis inauribus perforatam, quæ ideoque *εμβόλια* à Græcis *ἐπὶ τῷ λοβῷ* dictæ. Quia aurium hanc tencerrimam partem *Inaures* occupabant, eleganter dicit *Tertullianus* de Habitu muliebri: *Graciles aurium cutes Kalendarium expendunt.* Kalendarium autem explicat *Fr. Iunius* per domus universæ censum, qui perscribitur in Kalendario. Et recte quidem. Ferebantur enim Matronæ universæ domus censum auribus gestare, cum nimîa luxuriâ modum excederent. Ita *Seneca* de Vita Beata c. 17:

Quare

Quare uxor tua locupletis domus
censum auribus gerit. Et apud Patri-
Eundem de Benef. Lib. vii. c. 9. monia in
auribus.

integra Patrimonia auribus pro-
penſa dicuntur. Cæterum gra-
ciles aurium cutes perforatas in-
de patet, quod in auricula au-
rum gestare dixerit *Apuleius*, &

A V R I C L Æ O R N A-
T R I X apud *Gruterum*. Tal-

muldicis auricula dicitur tene-
rum auris vel quasi cauda Auris. Auricu-
la, cauda
auris.

Kidduschin fol. 21. 2. Quando
perforant [aurem servi] non per-
forant nisi in אלא / auricula.

R. Sal. exponit אלה / caudam
auris. Quapropter Romæ inter

alias puellas ornatrices alebatur

etiam auriculæ ornatrix, quod Auriculæ
ornatrix.

propter Inaures factum nemo

non videt. *Gruterus* Inscription.

Antiq. pag. D LXXIX. n. 1. ex Mu-

sæo Carpenſi Romæ:

O S S A

IVLIÆ. LIVIÆ. AVG.

E

AV-

A V R I C L Æ
O R N A T R I X

Sic & ibidem alia Inscriptio,
sexto fere ab Vrbe Roma mi-
liari :

L I V I Æ . N E P E
V R I C I Æ .
O R N A T R I X

Inscri- Gruterus ita corrigit:
ptio
emenda-
ta.

L I V I Æ N E P Æ
A V R I C L Æ
O R N A T R I X.

Vbi tamen *ornatrix* pro *ornatrici*
αὐλὴ ἀντικτωσιν. *Aures* five minus
five magis, ut esse solet in his qui
majora pondera auribus gesserunt,
perforatas curandi ratio apud
Celsum est Lib. vii. cap. 8. Nam
incommoda cicatriculæ jam acu
& filo inductæ absque negotio
submovebant, notante *Io. Rhodio* de *Acia*, modo foraminula
fatis ampla erant, sicut in iis qui,
referente *Celso*, inter *Afros*,
maxi-

Aures
foratæ
quomo-
do cu-
rentur.

maximeque Poëni, majora pondera auribus gerebant. Quemadmodum etiam in Virginiâ infimam auriculam tribus locis perforatam refert Io. *Laëtius*. Has aures cicatrices in corpore humano, non illos ad usus nato, ægrè, ut *Christianus*, ferebat *Tertullian.* quare de Cultu Fœm. Cur non, inquit, mores meos habitus pronunciat, ne spiritus per aures ab impudentia vulneretur? Liceat videri pudicam certe impudicam non licet.

Gerebant ergo *Inaures* sine ullo discrimine vel sexus vel auris, quam exornabant sive alterutram sive utramque. *Isidorus* tamen Lib. xix. *Origin.* cap. 31. ita usum dispescit, ut puellis in utraque aure, pueris tantum in dextra tribuerit. Cœterum muliebrem insaniam satis demonstrat *Seneca*, quæ non solum non, alterutrâ aure exornatâ,

Inaures
puellæ
utraque,
pueri sinistra
aure gerebant.

Bini u-
niones
juncti.

verum etiam nec singulis unicum
unionem comparasse, contentæ
erant, at binos ternosque jun-
gebant. Ita autem *Seneca* de Be-
nefic. Lib. vii. cap. 9: *Video unio-
nes non singulos singulis auribus
comparatos: jam enim exercitatae
aures oneri ferendo sunt: jungun-
tur inter se, & insuper alii binis
superponuntur. Nec multum ali-
ter idem auriculis utrinque bina
patrimonia tributa dicit, Lib. de
Remed. Vtr. Fort. Duc bene in-
stitutam nec maternis inquinatam
vitiis. Non cujus auriculis utrin-
que bina patrimonia dependent.
Nunquam margaritæ suffocent,
cujus sarcinis domus non sit angu-
sta. Aptè Ovidius de Medicam.
Faciei:*

*Vultis odoratos positu variare
capillos:*

*Conspiciam gemmis vultis ha-
bere manum:*

In-

*Induitis collo lapides Oriente
petitos:*

*Et quantos onus est aure tulisse
duos.*

Ideoque mulieres oneratas potius, quam ornatas aures habere Aures oneratae.
dixit *Seneca* de Constant. Sapient. cap. 14. Aurium laminas pertundere dixit *Arnobius* Adv. Deos Gent. Lib. II. cujus in hæc aurium vulnera invectiva verba, sed elegantia, adscribam: Anne, inquit, idcirco Deus mulieres fecit, ut divini ponderis & gravitatis oblitæ, gemmas, capillos, margaritas castitatis dispendio compararent, conspiciendis corporibus faces quærent, inverterent colla, *laminas pertunderent aurium*, imminuerent frontem limbis, fuligine oculos obumbrarent, nec in formis erubescerent masculorum calami-
stris vibrare cæsariem, cutem

corporis lævigare, incedere poplitibus nudis, omnique alio cultu vigorem virilitatis & exponere & in habitum foëminarum deliciasque mollire? Hactenus *Arnobius*. Itaque quæ de laminis aurium pertusis atque fenestratis cicatricibus demissa resplendebant ornamenta, *Inaurium* nomine vocabant, nec eas ad aliarum partium ornatus denominandos traxere Latini. *Augustinus* tamen Tom. iv. cap. 115. Quæst. in Genesin, abutitur voce *Inauris*, cum vox propria non esset in promptu, qua ornamentum narium significaret: *Mos*, inquit, *Maurorum* est, ut *inaures* etiam in naribus habeant *fœminæ*.

Inauris
vocis ab-
usus.

Apud Græcos non aliud denominatum quam ἡρόσμη ἐν τοῖς ὠσίν, per ἐνώλια, ἐκδόδια, ἔρματα, & id genus alia supra recensita, præter ea quæ de ἑλίκες nos ibidem.

dem. Et *Parens* notavit de Ar- Error
LXX. In-
terpre-
tum.
millis §. II. errorem LXX. Inter-
pretum, quàm male cum sacro
textu egerint in expositione
Genes. XXIV. v. 47. Τὰ ἐνώμα ἐπὶ
τὸν βραχίονα ponentes. Nam illa
sane non manibus sed auribus
appendere *Pollucem* & *Hesychium* monet *Parens*.

Aliter Hebræi. Apud eos enim
נֶזֶם, *Nesem*, non semper or-
namentum auris solius significa-
bat. Namque sæpe pro orna-
mento nasi vel frontali, quod
fronti alligatum ad nares usque
dependebat, usurpatum est. Quo
significatu Græcis ἐπιρρήνιον est. ἐπιρρή-
nιον or-
Eam denominationem annotat namen-
tum na-
Drusius ex *Proverb. XI. v. 22.*
Nezem aureum in nare porci, ubi
tamen LXX. & passim alibi ἐνώμα
exponunt. Ita etiam alii, cum
vocem satis aptam huic orna-
mento exprimendo non inveni-
rent, *Monile* interpretati sunt.

Et *Eesai.* III. v. 21. *Vulg.* vertit, *gemmas in fronte pendentes.* *Pagn.* & *Cajetan.* *circulos naris.* *Symmacho* tamen Interpreti Græco ἐπιρρίνιον dicitur ut alibi, ita *Iob.* XLII. v. 11. Et *Ezech.* XVI. v. 12. ubi, *Posui Nezem super os tuum,* solus *Symmachus* ἐπιρρίνιον habet, alii omnes, *Inaurem.* Sed hos, deficiente commodiori vocabulo, non nisi abusive *inaurem* vertentes, excusat *D. Hieron.* qui in dictum locum ita: Verbum Ebraicum נִזְם, excepto *Symmacho*, qui interpretatus ἐπιρρίνιον, omnes *inaurem* transtulerunt: non quod *inaures* ponantur in naribus, quæ ex eo quod de auribus pendeant *inaures* vocantur: sed quod circulus in similitudinem factus *inaurium*, eodem vocabulo nuncupetur, & usque hodie inter cœtera ornamenta mulierum, solent aurei circuli in os ex fronte pendere &

Aurei
circuli ex
fronte
penden-
tes.

& imminere naribus. Hæc Hieronymus. Pari ratione Talmud. Hierosolym. Tract. de Sabbath cap. 6. *Nezem* exponit aliquod ^{Nezem quid?} quod ponitur supra nasum. Referente tamen Io. Rhodio Dissert. de Acia, Rabbi Abrah. Aben Esra ad Genes. xxiv. v. 22. existimat tam naribus quam auribus convenire. Sed de his plura à Parente peti possunt Comment. de Morbis Biblicis.

Denique, quod D. Hieron. supra memorat adhuc suo tempore inter cætera ornamenta mulierum aureos circulos in os ex fronte pendere & imminere naribus, hoc pluribus comprobabat memoratus Rhodius. Adducit enim Odoardum Barbosam, qui in regno Narsinga mulierum naso, *inauris* more, unionem ^{Vnio naso ap-} vel pyropum perforatum aut ^{pensus.} cyanum appensum scribit; & narium alteri grandem annulum

geminis fulgentem in Oriente
 passim *Petr. de Valle Itiner. O-*
rient. pag. 751. Quod etiam Vi-
 ris Brasiliensibus in labro infe-
 riori, ab adolescentia perforato,
 usitatum, ex *Io. Laët. Nov. Orb.*
Descript. Lib. xii. cap. 16. Imo,
 eodem teste *Rhodio*, vidit Petrus
 Martyr regi Nagoaræ aliisque
 Principibus suspensam naso la-
 mellam auream, quæ ad ornatum
 labia tegebat: Et Aloysius Mu-
 stus *To. 1.* similiter in Promon-
 torio Zagro narium interfinium
 utrique sexui annulo aureo tra-
 jectum, qui cibum sumpturis de-
 mebatur. Affinis huic est circulus
 æneus, quem in labio oris ha-
 buisse Æthiopum quorundam
 mulieres refert *Strabo*, qui *Geo-*
graph. Lib. xvii. per Interpre-
 tem *Casaubonum*: *Armant*, in-
 quit, *etiam mulieres quarum ple-*
raque oris labium aneo circulo tra-
jectum habent.

Circulus
 æneus in
 labio.

CAPUT VI.

Inaures utrique sexui familiares.

Communem tam viris quam fœminis *Inaurium* usum deprehendo. Nec infrequens tamen interdum apud authores mentio occurrit alterutrius sexus. De utroque sexu *Plinius* ita *Natur. Histor. Lib. ix. cap. 35*: *Sed quota hæc portio est reputantibus purpuras, margaritas. Parum scilicet fuerat in gulas condi maria,*

Inaures utriusque sexus.

nisi manibus, auribus, capite, toto corpore à fœminis juxta virisque gestarentur. Aliàs inter utrumque sexum Earundem usum ita distinguit idem Plinius, ut Viros præcipue in Oriente eis delectari dicat, nam hanc fœminarum luxuriam ubique terrarum esse nemo dubitat. Ita ille Histor.

Virorum
in O-
riente.

Inaures
Regum.

Natur. Lib. xi. cap. 37: *Aures homini tantum immobiles, ab iis Flaccorum cognomina. Nec alia parte fœminis majus impendium margaritis dependentibus. In Oriente quidem & Viris aurum gestare eo loci decus existimatur. In Iunioribus ita explicat Isidorus Orig. Lib. xix. cap. 31. ut puellas utraque aure, pueros tantum dextra gessisse velit. Quippe apud hos Nobilitatis, apud illas fœmineæ mollietiei certum hoc erat testimonium. Viris earum usum acceptum fuisse demonstrant exempla Regum, quos eas haud respuisse legimus. Ut Persarum Reges taceam, de Indiæ Rege mihi luculentus testis est Curtius, qui ejus cultum & apparatus omnem eleganter describit Lib. ix. cap. 1. Hinc in regnum, inquit, Sophitis perventum est. Subito patefacta portâ Rex Indus cum duobus filiis occurrit,*
mul-

multos inter omnes Barbaros emi-
nens corporis specie. Vestis erat
auro purpuraque distincta, quæ
etiam crura velabat. Aureis so-
leis inseruerat gemmas. Lacerti
quoque & brachia margaritis or-
nata erant: Pendebant ex auri-
bus insignes candore & magnitu-
dine lapilli. A Regibus transiit
ad alios. Quanquam à Christia-
nis applausum hac luxuriâ non
meruerint ii, qui forte propriâ
non contenti regia quærebant
ornamenta. In eos cum zelo
haud exiguo invehitur Augusti-
nus Tom. II. Epist. 73: Execran-
da autem, ait, superstitio ligatu-
rarum, in quibus etiam innaures
virorum, in summis ex una parte
auriculis suspensæ deputantur, non
ad placendum hominibus sed ad
serviendum Dæmonibus adhibe-
tur. Et mox: Quid autem cum iis
agendum sit si solvere innaures ti-
ment & corpus Christi cum signis

Innaures
Viro-
rum.

diaboli accipere non timent. Itaque crescente luxu tanto, Viris auri & gemmarum usum interdixit Alexander Severus, de quo testis est Lampidius: Gemmarum quod fuit vendidit, & aurum in ærarium contulit, dicens gemmas Viris usui non esse: Matronas autem Regias contentas esse debere uno reticulo, atque inauribus, & bacato monili, & corona cum qua sacrificium facerent, & unico pallio auro sparso, & cyclade quæ sex unciiis auri plus non haberet. Sed fœminis has delicias concessas videmus, & quamvis Viris prohibebantur in aures, nihilominus inter ornamenta Mulieribus licita recensentur ab Vlpiano: Licita ornamenta muliebria enumeret, armillas, in aures &c. L. 25. ff. de Auro, argent. mund. muliebr. Leg. Et L. 34. ff. de aur. & arg. Leg. Ornamenta muliebria sunt qui-

In aures
Matro-
narum.

Orna-
menta
Mulie-
rum: lici-
ta.

quibus mulier ornatur, ut in aures. Apud Romanos sane hæc aurium insignia matronis adjudicata legimus apud *Valer. Maximum* Lib. v. cap. 2. Quippe cum Marium Coriolanum patriam oppugnare conantem, admotoque portis urbis ingenti Volschorum exercitu, funus ac tenebras Romano Imperio minitantem, Veturia mater & Volturnia uxor nefarium opus exsequi non essent passæ: Tum ita *Val. Maximus*: In earum honorem Senatus matronarum ordinem benignissimis decretis adornavit. Sanxit namque ut fæminis semita viri cederent, confessus plus salutis in stola quam in armis fuisse, vetustisque aurium insignibus novum Aurium insignia. vitæ discrimen adjecit. Permisit quoque his purpurea veste & aureis uti segmentis.

CAPUT VII.

Inaures ob quas causas usurpatae, Earumque varius apud Varios usus.

Inaures
luxuriæ
causa.

Luxuriæ tantum & ornamentum majorisque ostentationis causa usurpata à quibusdam *Inaures*, pluribus evincunt varia hinc inde tum aliorum allata testimonia tum Patrum querimoniæ, qui has luxuriantium inceptias atro notarunt carbone. Non tamen alium *Inauribus* usum ab antiquis etiam temporibus assignat *Ælianus* Var. Hist. Lib. I. cap. 18. *Ὅτι τρυφουσῶν γυναικῶν ; πῶς δὲ ἡ διέρρηξον ὑποτρυφῆς αἱ πολλαὶ τῶν γυναικῶν. ἐπὶ μὲν γὰρ τῆς κεφαλῆς σφάνην ἐπέβηντο ὑψηλήν, τὰς δὲ πόδας σανδαρίοις ὑπεδύντο. ἐκ δὲ τῶν ὄντων αὐταῖς ἐνώλεα μικρὰ ἐπεκρέμιντο, &c. καὶ πᾶσι αἱ πάνυ παλαιαί.*

i. e.

i. e. *Nunquid vero pleræque antiquarum mulierum, luxu diffluxere? quæ corollam sublimem capiti imponebant, pedes vero sandaliis induebant, ex auribus longas in-aures dependentes habebant. Atque hæc antiquissima mulieres faciebant. Nec progressu temporis quicquam luxuriæ remissum, sed apud plurimos haud obscura ejus deprehendo indicia. De Lolia Paulina conquerentem habeo Plinium Natur. Histor. Lib. ix. cap. 35: Lolia Paulina quæ fuit Cai Principis Matrona, nec serio quidem aut solenni ceremoniarum aliquo apparatu, sed mediocrium etiam sponsalium cæna, vidi smaragdis margaritisque opertam, alterno textu fulgentibus toto capite crinibus, spiris, auribus, collo, manibus digitisque. Ut hujus sexus ornatui jure tales adscribantur mollities. Scilicet non immerito, dum hæ delicatulæ mulieres*

comuntur, annum numerat *Comicus*, quæ munditie in tantum datae erant, ut hujus curam solam demandarent aliis. Inscriptionibus hoc edocemur. Vt apud *Gruterum* Inscript. Antiq. p. D LXXX. Labella marmorea ex Musæo Cardinal. Carpenfis:

IVLIA. IVCVNDAA
AVG. L. SARCINATR
A. MVNDO. MVLIE. BYRA
CANACIANA.

Ita etiam inter alia domus Augustæ officia, erant *ab ornamentis*, ut in ara marmorea est apud eundem *Gruterum* pag. D LXXVIII. quæ Romæ exstat in Atrio domus Iulii Porcarii, ad Miner-
vam:

D. M.
T. FL. AVG. LIB
PARTHENOPÆI
POPPEANI. EVNVCHI
AB. ORNAMENTIS
VIX. ANN. LXXXV. &c.

Quare

A mun-
do mu-
liebri.

Ab or-
namen-
tis.

Quare etiam inter ornamenta muliebria recensentur Inaures ab Ictis. *Vlpianus ff. de Aur. & arg. Leg. Pand. Lib. 34.* ubi ex professo agit de vestimentis & ornatu muliebri: Ornamenta muliebria sunt quibus mulier ornatur, veluti in aures, armilla, viriola, annuli, præter signatorios, & omnia quæ ad nullam aliam rem parantur quam corporis ornandi causa. Quorum in numero etiam hæ sunt, aurum, gemmæ, lapilli, qui aliam in se nullam utilitatem habent. Et apud *Possium de Vit. Lat. Serm. Lib. II. cap. 13.* occurrunt Inaures inter ornamenta in Legibus Angliorum & Werinorum, *Tit. v l. §. 6. Mater* Inaures inter Legata Ma- *morrens filio terram, mancipia,* trum. *pecuniam dimittat: filia vero spolia colli, id est, murenas, muscas, monilia, in aures, vestes, armillas, vel quicquid ornamenti proprii videbatur habuisse. Fuisse autem*

Inaures
orna-
menti
causa.

tem inter ornamenta satis testa-
tur *Propheta* sacer apud quem
cap. III. v. 17. in mulierum Ie-
rosolymitharum ruina atque lu-
ctu, ubi nullus locus erat orna-
mentis, dicitur Dominus abla-
turus in die illa ornamentum
calceamentorum & lunulas &
torques & monilia & armillas
& *inaures*. Quæ omnia depo-
nerentur tanquam tempori tristi-
minus convenientia, cum Do-
minus illis funus atque exitium
minaretur. Sic etiam inter orna-
menta quibus Dominus Ierusa-
lem exornavit recensetur *inauris*
apud *Ezech.* Prophetam c. xvii.
v. 11. *Et ornavite ornamento, &*
dedi armillas in manibus tuis &
torquem circa collum tuum. Et dedi
inaurem super os tuum & circulos
auribus tuis & coronam decoris in
capite tuo. Atque harum *inaurium*
quamdiu moderatus usus, inter
licita muliebria recensentur or-
namenta

namenta apud *Vlpianum*; At ubi
honesti ornamenti limites trans-
gressa est luxuriosa superbien-
tium turba, usus margaritarum
nisi certis personis & ætatibus
perque certos dies ademptus à
Iul. Cæsare, qui huic luxui tam
aurium quam reliquarum corpo-
ris partium occurrere voluit,
margaritarum abusum modera-
tus apud *Sueton.* c. l. Et strictius
apud *Euseb.* in Chronico prohi-
bitum est lecticis margaritisque
uti eis quæ neque viros neque li-
beros haberent & minores essent
annis quadraginta. Quoniam his
ornamentis, quæ honestè habere
licebat, per turpitudinem abuti
properabant, tanquam dedecoris
nota mollities per *Inaures* Viris
objecta est apud Romanos, *Plinio*
teste, Lib. xi. c. 37. Et ab iis effæ-
minati dicebantur, ut *Tertull.* Lib.
de Pallio: *Aurem quoque foratu*
effæminatus. Eleganter *Ovidius* de
Art. Am. Lib. III. *Sed*

Inauris
mollitiæ
signum.

*Sed quia cultus adest, nec nostros
mansit in annos*

*Rusticitas priscis illa superstes
avis.*

*Vos quoque non caris aures one-
rate lapillis*

*Quos legit in viridi decolor In-
dus aqua.*

Virgi-
num or-
namen-
ta.

Coeterum *inaures* ornamentum
summi vicem obtinebant, quip-
pe quibus adveniente proco Ma-
ter filiam suam ornat, ut hoc
cultu proco blandiatur & ejus
gratior sit amplexibus apud
Claudianum de VI. Honor. Con-
sul.

*Ac velut officiis tæpidantibus
ora puellæ*

*Spe propiore thori Mater sollar-
tior ornat*

*Adveniente proco, vestesque &
cingula comit*

*Sape manu, viridique angustat
jaspide pectus,*

Sub-

de Inauribus Veterum. 103

*Substringitque comam gemmis
& colla monili*

*Circuit & baccis onerat can-
dentibus aures:*

*Sic oculis placitura tuis, insi-
gnior auctis*

*Collibus, & nota major se Ro-
ma videndam*

Obtulit.

Sic etiam Iuno ut Iovem decipiat Inaures
apud Homerum Iliad. ξ. seipsam ad gra-
ita ornat: tiam au-
cupan-
dam.

*Ζώσατο δὲ ζώνην ἐκδοὺν θυσάνοις
ἀργυρεάν,*

*Ἐν δ' ἄργ' ἔρμενοι ἦκεν εὐτρετέσι
λοδοῖσι,*

*Τείγληνα, μεθέεντα· χάλεις δ' ἀπε-
λάμπετο πολλή. i. c.*

*Cinxit autem cingulum centum
fimbriis concinnatum,*

*Ac sane in aures apposuit bene
perforatis auriculis*

In-

*Instar trium pupillarum factus:
Venustas autem resplendebat
magna.*

Ad deci-
piendos
Viros.

Vnde etiam ad decipiendum Vi-
rorum oculos *Iudithi* ornamen-
tum ita describit facer Scriptor
cap. x: *Quumque sumens sanda-
lia adhibuisset pedibus suis & cir-
cumposuisset brachialia & armillas
annulosque & in aures ac totum
mundum suum, denique venuste
se composuisset valde ad decipien-
dum virorum oculos. Cæterum
pro Iudith hoc in sacro textu ad-
ditur encomium: Quod ei etiam
Dominus contulerit splendo-
rem: quoniam omnis ista com-
positio non ex libidine, sed ex
virtute pendebat: Et ideo Do-
minus hanc in illam pulchritudi-
nem ampliaverit, ut incompara-
bili decore omnium oculis appa-
reret. Non propter aliam cau-
sam in auribus gratiam formæ
con-*

conciliare meretricium signum
credebatur. Sic apud Ovidium
Lib. I. de Art. Amand.

Inaures
meretri-
cum.

*Quid cum mendaci damno mæ-
stissima plorat?*

*Elapsusque cava fingitur aure
lapis.*

Et *Martialis* lautitiam Meretri-
ciam describens Lib. XII. E-
pigr. 50.

*Nunc plorat speculo fallax an-
cilla relicto,*

*Gemma vel è digitis vel cedit
aure lapis.*

Meretricium hoc ornamentum
proprium esse vult *Seneca*, quip-
pe qui Lib. de Constant. Sapient.
cap. 14. suadet *inaures* non tanti
esse ut referat sive iis ornata sit
honestam matrona, sive non: *Quid
refert*; inquit, *quantum habeat*
[mulier] *quot lecticarios quam*
oneratas aures, quam laxam sel-
lam. In sacris monumentis de

F

po-

populo suo Dominus apud Prophet. *Oseam* cap. II. v. 13. Visita-
bo super eam dies Baálim, qui-
bus accendebat incensum & or-
nabatur *inaure sua* & monili suo
& ibat post amatores suos.

Inaures
Novæ
Nuptæ.

Magnificum hujus ornament-
apparatum deprehendo non so-
lum in novis Nuptis, cujus re-
testis luculentus est *Homerus*
Hymn. in Vener. de Conjugio
Mercurii & Veneris. v. 164.

Οἱ δ' ἐπεὶ ἐν λεχέων ὑπολήτω
ἐπέβησαν,

Κόσμον μὲν οἱ πρῶτον ἀπὲ χροῶ
εἶλε φαινόν,

Πόρπας τε, γαμπτάς θ' ἑλικας
καλυκείς τε καὶ ὄρμυς.

Λῦσε δὲ οἱ ζώνην. i. e.

*Hi autem postquam lectos ben-
constructos ascenderunt,
Ornamentum quidem illi pri-
mum à corpore abstulit luci-
dum,*

*Fibulasque flexibiles, inaures,
calycasque & monilia :*

Solvit autem illius Zonam :

Verum etiam Sponsalicias has ^{Inaures sponsali-}
uisse *Inaures* ab eodem Homero ^{tiz.}

abunde edocemur Odyss. Σ. v.

98. ubi certatim proci Penelo-
pen donis affecturi, inter alia
zona *inaures* etiam adferunt:

Δῶρα δ' ἄρ' ὅισι μῦθον πρόεσαν
κῆρυγαν ἔργατο,

*Ad portanda dona vero premi-
serunt præconem unusquis-
que.*

Et paulo post :

Ἐργατο δ' εὐδαίμωνι δῶα θερά-
ποντες ἔνεγκαν,

*Inaures vero Eurydamanti duo
servi portaverunt.*

Et hujus rei elegans testimonium
exhibent oracula sacra, Genes.
xxiv. Servus Abrahami Rebec-
cæ, futuræ Isaaci conjugii, ab-

sentis sponsi nomine *Inaures* in-
 jecit: *Et posui inaurem*, inquit;
super faciem ejus, & *armillas su-*
per manus ejus. Et paulo ante: *Et*
factum est cum vidisset [*Laban*
inaurem & armillas in manib.
sororis suæ. Nimirum non damna-
 batur usus *Inaurium*, quas hone-
 sto ornatui sibi vendicabant
 sponsæ, tanquam huic ordini
 merito convenientissimas: Con-
 trarium judicium de eis quibus
 non nisi ad luxuriæ ostentatio-
 nem superbiebant alii utriusque
 sexus. Vtrumque usum egregie
 conciliat *Augustinus* Tom. IV.
Quæst. in Genes. Lib. I. cap. cxi.
 quem in hunc modum locutum
 „ accepimus: Quod Iacob ascen-
 „ surus Bethel, ubi jussus est aram
 „ facere, dixit domui suæ & omni-
 „ bus qui cum illo erant, tollite
 „ Deos alienos qui vobiscum sunt
 „ de medio vestri &c. Deinde di-
 „ citur & dederunt Iacob Deos
 alie-

alienos, qui erant in manibus
 eorum, & *inaures*, quæ erant in
 auribus eorum. Quæritur quare
 & *inaures*, quæ si ornamenta
 erant, ad idololatriam non per-
 tinebant, nisi quia intelligendum
 est phylacteria fuisse Deorum
 alienorum. Nam Rebeccam à
 servo Abrahæ *inaures* accepisse
 scriptura testatur: quod non
 liceret, si eis *inaures* habere orna-
 menti gratiâ non liceret. Ergo
 illæ *inaures* quæ cum idolis datæ
 sunt, ut dictum est, idolorum
 phylacteria fuerunt. Hactenus
Augustinus. Vnde haud obscure
 apparet licitas fuisse, quamdiu
 intra honestatis limites contine-
 retur modicus earum usus, quæ
 aliàs, ex monitu *Augustini*, inter
 Deos alienos *Genes. xxxv.* repu-
 tantur. Inter munera novis Nu-
 ptis ab amicis missa tale aliquod
 ornamentum memorat *Claudian*.
 de Nupt. Honor. & Mar. v. 165.

Inau-
 res
 Deo-
 rum
 alie-
 norum
 phyla-
 ctoria.

Inaures
 inter
 munera
 Nuptia-
 lia.

*Certatimque novis ornant con-
nubia donis,*

*Cingula Cymothoë, rarum Ga-
lathea monile,*

*Et gravibus spatiale baccis dia-
dema ferebat*

*Intextum, rubro quas legerat
ipsa profundo.*

Sic &
Brachio-
lum.

Cui affine est Brachiolum quod
novis Nuptis missum meminit
Catullus in Epithal. Iuliæ & Mal-
lii, Carm. 62.

*Mitte Brachiolum teres
Prætextate, puellulæ
Iam cubile adeant Viri,
Io Hymen, Hymenæe Io.*

Inaures
Natali-
tiæ.

Natali die muneris natalitii loco
missitatas fuisse *inaures*, videtur
ex *Plauto* colligi posse, qui in
Epidic. Act. v. Scen. i.

Ep. Nonne meministi me inau-
rem ad te afferre natali
die?

Lu-

*Lunulam atque anellum aureo-
lumin digitum? VI. Memi-
ni, mi homo.*

Sed lectionem hanc non ap-
probant alii. *Parens* de Armill.
§. VII. hanc lectionem ex nullo Plauti
locus ex-
amina-
tus. veterum astrui posse monet, quia
inaures nusquam natali die mu-
neris loco datæ reperiuntur.
Boxhornius auream legit, & il-
lum locum sano sensu intelligi
posse putat, si *aurea* cum *Lunula*
construatur. Inter *me* & auream
est lacunula in V. C. unde *Came-
rarius* suspicatur leg. *minam au-
ream* quæ fuisset instar aurei Lu-
sitani, cuius præcium aureo-
rum decem. *Meursius* pro *aurea*
corrigit *armeam*, armæ ornamen-
tum diminutivè *armilla* dictum.

Regium ornamentum apud Inaures
Regiæ. nonnullos *inauris* erat, de quo
Lucifer Callaritanus de non par-
cendo in Deum delinquentibus,

ad Constantium : *Debemus vereri regni tui diadema , inaurem etiam , & dextrocheria , debemus insignes , quas esse censes vestes tuas , honorare.* Ut alios Reges taceam , qui hoc ornamento insigniri dignabantur , Indiæ Regibus valde familiare fuisse patet apud *Curtium* Lib. ix. qui inter alium Indiæ Reguli cultum : *Pendebant , inquit , ex auribus insignes colore & magnitudine gemma.*

Inaures
Nobilitatis insignia.

Vti &
Bulla.

Inter Nobilitatis puerilis insignia reliqua recensentur *inaures*. De bulla & prætexta nihil dicam , cum ex *Plinio* Nat. Hist. Lib. xxxii. cap. i. abundè constet à Prisco Tarquinio , omnium primo , filium , cum in prætextæ annis occidisset hostem , bullâ aureâ donatum : unde mos bullæ duravit , ut eorum , qui equo meruissent , filii insigne id haberent , cæteri lorum. Quare appo-

appositè admodum *Juvenalis Sa-*
tyr. v.

---- *Etruscum puero si contigit*
aurum

Vel nodus tantum & signum de
paupere loro.

De cujus origine plura à *Ma-*
crobio peti possunt. Idem de *In-*
auribus ex *Cœl. Rhodigino* no-
tandum, qui *Lectio. Antiqu.*
Lib. III. cap. 29. aurum in auri-
cula gestare nobilitatis insigne
fuisse indicat. Et ante illum con-
firmat hoc *Madaurensis* ille de
Philosoph. Lib. I. ubi de Platone
ita : *Multi auditorum ejus utrius-*
que sexus in Philosophia flore-
runt. Patrimonium in hortulo, qui
Academia junctus fuit, & in duo-
bus ministris & in patera qua
Diis supplicat reliquit. Auritan-
tum quantum puer nobilitatis in-
signe in auricula gestavit. Quo-
rum etiam paucis meminit Ios.

*Laurentius Polymath. Lib. II.
Dissert. III. & xxvii.*

Inaures
servo-
rum.

Contrarium usum apud servos obtinebant, ubi servitutis notam indigitabant, quippe cum auris perforata perpetuæ servitutis signum esset. Hoc ex Historia sacra notissimum. *Sulpit. Severus Lib. I. cap. 31. Hebraus puer pecunia emptus sex annis serviet, post hæc liber erit, sponte autem permanenti in servitute auris forabitur.* Quod inter edicta Dei ad Moysen fuit, ut apparet ex *Exodi cap. xxi.* ubi si servo Dominus uxorem dederat, finito sexennio manumittebatur quidem, sed uxor ejus, & ex ea nati liberi erant Domini: quod si amore captus uxoris & liberorum suorum, nolebat à Domino discedere, afferebat eum Dominus Diis, id est, iudicibus: Eique ad postem applicato, subulâ aurem perforabat, ut ei perpetuo

Subulâ
auris
perfora-
ta.

petuo serviret. Eandemque legem repetitam invenimus *Deut. xv. v. 15. Sin autem dixerit [servus manumissus] nolo egredi: eo quod diligat te & domum tuam & bene sibi apud te esse sentiat: Assumas subulam & perforabis aurem ejus in janua domus tue & serviet tibi usque ad æternum.* Vnde etiam *Psalmodographus: aures perforasti mihi.* Illum ritum Deum ad libertatis studium ingenerandum præcepisse, *Cajetani* est conjectura, ut si non servitutem, saltem ignominiam publicam horerent. *Theodoretus* hoc sortis argumento perpetuam sub Domino obedientiam significari putat. Hinc magna lux *Petronio*, apud quem *pertusæ aures Arabibus* tribuuntur, scilicet quia servi apud Romanos erant. Imo & *Pœni* cum *annulatis auribus* eandem ob causam inducuntur apud *Plantum* *Pœnul. Act. v. Scen. 2.*

Quare
In aures
servitutis.

Eodem respectu Barbari male audiebant apud Romanos, quippe qui eos ob servitutis stigma averfabantur. *Lucillius* :

*Nequam est, aurum aures cuius
vehementius ambit.*

Aures has pertusas atque perforatas libertate postea donati non tam sedulo occultare poterant, quin fortè nota illa servilis conditionis præteritæ appareret ex fissuris aurium vel fenestris, ut loqui amat *Juvenalis Satyr. I. v. 104.*

---- *quamvis*

*Natus ad Euphratem, molles
quod in aure fenestræ
Arguerint, licet ipse negem.*

Ad quod *Vet. Schol.* Arguit homines, qui cum propter libidinem libertatem meruissent, & in libertinorum corpus & tribus relati essent, pertusis auribus signa libertinorum celare non poterant.

Alius

Servilis
condi-
tionis
nota.

Alius adhuc, sed sanctior, u- ^{Inaures}
 sus *Inaurium* in Sacris. *Exodi* ^{in sacris.}
 xxxv. v. 22. ubi præcepto Sab-
 batho, inter primitias & dona-
 ria alia populus etiam offerebat
inaures: Obtulerunt mente prom-
 ptissima atque devotâ primitias Do-
 mino ad faciendum opus taberna-
 culi testimonii. Quicquid ad cul-
 tum & vestes sanctas necessarium
 erat. Viri cum mulieribus præbue-
 runt armillas & inaures, annulos
 & dextralia: omne vas aureum
 in donaria Domini separatum est.
 Pari religione inaures ad expia- ^{Inaures}
 tionem contulerunt. *Num.* xxxi. ^{ad expia-}
 v. 50. Offerimus oblationem Ieho- ^{tionem.}
 va, quisque quod nactus est, in-
 strumentum aureum, periscelidem,
 aut armillam, annulum, inaurem
 & cingulum pendulum, ad fa-
 ciendam expiationem pro animis
 nostris coram Iehova.

CAPUT VIII.

*Inaures quibus gentibus
fuerint in usu.*

Inaures
plurima-
rum gen-
tium.

INcrebuit hic luxus passim apud plurimas gentes. Certe apud plerasque inaurium usum receptum accepimus. Scilicet latius evagabantur hæc luxuriæ vitia & quasi contagio quodam ad vicinas serpsit gentes hæc pestis, quæ omnium animos, veluti tabes, invaserat, ut alios luxuriâ se priores non paterentur male sani, & solis his superbix instrumentis nobiles, quanquam in his nobilitatem veram nequicquam quæsierint: Nam probitas ipsa recte Carbunculus dicitur. At propter innatam hanc utrique sexui luxuriam non immerito vapulant ab iis, qui, cum Christo nomen dedissent, hanc luxuriæ notam ægrè

ægrè intuebantur. Ita Zenon Martyr Serm. 2. de Avaritia: *Ancilla Christi falsum idolum respuis? mihi crede in te colis, cujus ornatum, cujus imaginem non deponis.* Ad Ecclesiam Dei opere vario totum inaurata corpus, execrabili metallo procedis onusta, ubique delicata, deque ipso vultus rigore in oratione non flecteris: non manus tendis, tumidum monilibus pectus prosternere dedignaris. Sane cervicem curvas non religione sed pondere. Quem locum optimè illustrat icon, in omnibus talis qualis hic describitur, apud Fortunatum Schackium Myrothec. II. cap. 77. pag. 765. Quam dicit se delineasse, juxta Colossæam quæ in hortis Pontificiis ad Quirinalem habetur, & eam esse fortasse Fabiæ Agoniæ Paulinæ; quamvis dubito an potius barbaræ cujusdam icona dicam. Certe verba Zenonis eleganter exprimit,
dum

dum cervicem curvare videtur pondere peculiaris cujusdam generis vel torquium vel *inaurium*, quæ à capite, sed obscuro initio, demittuntur in pectus. Ut cuius patebit ex subjecta icone.



Cæterum, ut ad *Zenonis* verba revertar, tot seculorum decursu confirmatum malum altiores

res egerat radices, quam ut modica oratione debellaretur. Nullam fere antiquis temporibus gentem reputare licet, quæ luxuriosum *inaurium* respuit usum.

De Romanis notiores res ulteriori non indiget demonstratione, apud quos ideo peculiariter huic

Inaures
apud
Roma-
nos.

ornatui inserviebat A V R I-
C V L Æ O R N A T R I X,

ut alibi ex *Gruteri* Inscript. probamus. Apud *Plinium* Nat. Hist.

Lib. ix. cap. 35. Lolia Paulina smaragdis margaritisque operta

dicitur, alterno textu fulgentibus toto capite crinibus, spiris,

auribus, collo, manibus, digitisque. Nec soli Romani aurium

ornamentis superbiebant, de Græcis testis est *Isidorus*, qui

Origin. Lib. xix. cap. 31. earum usum in Græcia tradit. Et hoc

Inaurium
usum in
Græcia.

nobilitatis insigne Athenis fuisse, docet *Apuleius* Lib. I. de Dogm.

Platon. Cujus rei originem luculen-

Vnde
fluxit.

culenter tradit *Dio* Orat. 32. Quippe quum Atheniensibus respondisset Apollo, si vellent bonos viros in civitate provenire, ut optimum quod esset puero-
rum auribus infererent: Illi autem auriculæ perforatæ aurum inferuerunt, Dei responso non intellecto. Hoc enim puellas magis decere & Lydorum aut Phrygum pueros, monet memoratus *Dio*. Vltcrius crevit hic usus. Refert *Plinius* Lib. xi. cap. 37. aurum in auribus gestare Viris in Oriente decus existimari. De Persis cum plurimos testes habeam, nihil opus est pluribus verbis commemorare. *Augustinus* Tom. iv. cap. 115. *Perse*, inquit, *mulierum more in aures habent, quod hic inhonestum & illicitum est*. De unione quem Rex Persarum Perozes in expeditione adversus albos Hunnos à dextra aure detractum abiecit.

In aures
Persarum.

Zonaras Lib. III. Annal. apud Zalmuth. Et idem de Eodem fatetur Procopius Lib. I. de bell. Pers. *Margarita*, inquit, *candore & magnitudine eximia & preciosa ex aure dextra pendebat*. Apud Parthos hunc usum *Inaurium* asseverat *Tertullianus*, quanquam non probet, de Cultu Fœminar. cap. 10. Easdem Asiaticis & Orientalibus plerisque tribuit Chares apud *Athenæum* Deipn. Lib. III. *Ex unionibus fiunt Inaures, monilia & armillæ brachiorum, pedum ornamenta, apud Medos, Persas, & Asiaticos omnes pluris æstimata, quam quæ ex auro conficiuntur*. De Medis non dubitamus, cum evidens insuper locus sit apud *Agathiam* de Bello Gothico Lib. III. qui ita per interpretem *Christoph. Personam*: *Non enim scuta duntaxat, thoracesque & pharetras eorum, qui ceciderunt, quidam gestabant, sed*

Inaures
apud
Parthos.

Inaures
Medo-
rum.

*sed aureos etiam circa collum torques, & ex auribus pendentia ornamenta, ac ejusmodi cætera effæminatorum varia & supervacanea opera, quibus Medorum Primores præcipue decorantur, ut spectatiores cæteris sint & à vulgari-
bus aliis noscitantur. Erant pluri-
mi tali luxuriæ vinculo confœderati, ut ad Mauros hic inaurium
usus tranfierit, monente *Augustino* Tom. IV. Quæst. in Genes. cap. 115. Quare apud Romanos, cum *Cicero* in auribus omnium gentium positam virtutem voluerit, earundem perforatio quasi Barbariæ exprobratio fuit. Sic apud *Xenophontem* ἀναξάσεως γ. narrat quidam se vidisse aures *Apollonidis* quæ ambæ essent, instar *Lydorum* perforatæ; unde apud eosdem usum inaurium haud obscure deprehendimus. De *Babyloniis* idem *Juvenalis* Sat. I. v. 104.*

Apud
Mauros
inaurium
usus.

Apud
Lydos,

Babyloni-
os,

*Natus ad Euphratem, molles
quod in aure fenestra*

Arguerint.

Afris autem usitatissimum id Afros.

fuisse luculenter Ciceronis scom-

ina ostendit apud Macrobius

Saturn. Lib. VII. cap. 3. Octavius,

qui natus nobilis videbatur, Cicero-

ni recitanti ait, Non audio quæ

dicis, ille respondit, certe solebas

bene foratas habere aures. Hoc

eò dictum est quod Octavius Lybia

oriundus erat. Macrino Impera-

tori aurium alteram fuisse perfo-

ratam, Maurorum ritu, à qui-

bus erat oriundus, refert Dion.

Cassius Lib. LXXXVII. Eandem

aurium notam habuisse Ara-

bas, clarus testis est Petronius

in Satyrico: Itaque tanquam

servi Æthiopes & presto tibi

erimus, sine tormentorum injuria

hilaes, & permutato colore im-

ponemus inimicis. Quin tu, in-

quit Giton, & circumcide nos

ut

*Inau-
rium u-
sus apud
Arabas.*

ut *Iudæi* videamur: & pertunde aures, ut imitemur *Arabes*, & increta facies ut suos *Gallia* cives putet. Quem locum ita transcripsisse videtur *Isidorus Hispalensis*: Nonnulla etiam gentes, non solum moribus, sed & vestibus aliqua sibi propria vindicant, circumcidunt *Iudæi* præputia, pertundunt aures *Arabes*, *Mauros* habet tetra nox corporum, *Gallos* candida cutis. Nec id apud solos *Arabas* servi patiebantur, sed idem de *Pœnis* assentiri arbitror *Comicum*, nam *Pœnul. Act. v. Sc. 2.* *Milphio* servus *Pœnos* conspiciens:

Apud
Pœnos.

*Viden homines sarcinatos con-
sequi*

*Atque ut opinor digitos in mani-
bus non habent.*

*A G. Qui jam? MIL. Quia
incedunt annulatis auribus.*

*Adibo ad hosce atque compel-
labo Punicè.*

No-

Notum est hos & Arabas cum Libybus Romæ inter servitia habitos & Barbaros appellatos ; unde forsan apud *Tertullianum* Tertullianus emendatus. Lib. de Veland. Virg. *Crobyli Barbarorum*. Vbi *Rhenanus* in prima editione putavit legi debere, *scrobuli*, aurium foramina, per quæ Barbari trajiciunt gemmas & annulos, quia diminutiva vox est à *scrobe* ; in altera autem editione reponit *strobulos*, quod Græcis pineam nucem significat, gestamen ex auro Barbarorum. Idemque apud eundem *Tertullianum* Lib. de Fœm. Cult. pro, *Scrupulosa Deus auribus vulnera intulit*, maluit legere *scrobulosa*. Sed *scrobulos* illos à *Rhenano* Barbaris assignatos, non nisi commentitios vocat, adeoque eam emendationem deridet, *Hadr.* Rhenani lapsus. *Iunius Animadv.* Lib. II. cap. I. & antiquam lectionem defendit: *crobylos Barbarorum*, quia auctori-

Croby- thoribus plurimis crobylus est
lus quid? crinium plexus in acumen desinens; de quo *Thucydides* Libr. I. & *Lucianus* in Navigio. *Inaures* nec à Turcis exulabant. *Ioh. Bapt. Montalbanus* in republ. Turcar. de ordinibus Monachorum seu religiosorum apud Turcas, refert quod plurimi Iuvenes, robusti, divites, Aphricam, Ægyptum, Arabiam, Persiam, Turciam omnem alieno sumptu sub prætextu religionis pervagentur, & inter alia vestimentorum genera, *inaures* argenteas, vel æreas vel ex alio quovis metallo habeant. Quin & ad Chineses, qui parci aliàs alienæ luxuriæ imitatores proprio se modulo metiuntur, penetravit hic usus. Et quamvis annulos respuant, ornamenta tamen aurium admittunt, sicut testis est *Nic. Trigautius* in Republ. Chinesi.

Inaures
apud
Turcas.

Apud
Chinen-
ses.

Longè antiquiorem usum in-
 aurium

aurium repeto ex sacris monu- Inaures
apud Is-
raëlitas.
mentis apud Israëlitas olim ,

*Exod. xxxii. v. 2. Dixitque ad
eos Aaron, tollite inaures aureas
de uxorum filiorumque & filiarum
vestrarum auribus, & afferte ad
me. Fecitque populus quæ jusserat
deferens inaures ad Aaron. Quas
cum accepisset, formavit opere
fusorio & fecit eis vitulum con-
flatilem, dixeruntque, Hi sunt Dii
tui Israël. Idem nos edocent vin-
dicæ divinæ quæ refractario po-
pulo imminent apud Esaiam cap.
III. v. 16. ubi inter alia ornamen-
ta filiarum Israël inaures etiam
ablaturus est Dominus. Ismaë-
litas inaures gestare solitos de-
prehendo ex eis, quas Gedeoni
dederunt atque concesserunt,
sed usui ipsis omnibus pernicio-
so, Judic. cap. viii. v. 24. ubi
additur: Inaures autem aureæ
erant iis, quia Ismaëlites erant.*

Optime hic Drusus per Ismaëli-

Inaures
apud
Madianitas.

Ismaëli-
tæ iidem
qui Ma-
dianitæ.

tas Madianitas intelligit, cum nomine strictius accepto sic vocarentur, erant quippe omnes Madianitæ etiam Ismaëlitæ, at non è contrario. Quod optime illustrat Historia Iosephi *Genes.* xxxvii. v. 28. ubi qui eum emerunt à fratribus modo Ismaëlitæ vocantur, modo etiam Madianitarum nomine indigitantur: *Acquieverunt fratres sermonibus illius & prætereuntibus Madianitis negotiatoribus, extrahentes eum de cisterna, vendiderunt eum Ismaëlitis.* Qui Madianitæ ex filiis erant Ketura, quam eandem esse putat *R. David* cum Hagar, unde Hagareni, qui & Ismaëlitæ & Arabes.

Hagareni, qui?

Ultimæ etiam, non Thule, in sed Indiæ eadem fors. Quippe *inaurium* usum apud Indos tradit *Curtius* Lib. viii. cap. 9: *Lapilli, inquit, ex auribus pendent in brachia quoque & lacertos aure colunt*

Inaures
Indo-
rum.

colunt, quibus inter populares aut nobilitas aut opes eminent. Idem confirmat Lib. ix. cap. i. de Indiæ Regulo, ubi singula Indicæ luxuriæ prodigiosa instrumenta persequitur, & addit *ex auribus pendere insignes candore & magnitudine lapillos*. Nec tractu temporis hic mos exolevit, sed hodieque observare est, quem ex oculatis testibus referam. *Guilielm. Piso* de Med. Brasil. Lib. I. de viris pariter ac fœminis asseverat, quod lapillos vilissimos & longissimos perforatis à prima infantia auriculis, tum labiis inferioribus & maxillis inserant. Suffragatur etiam *Georg. Marcgravius* Lib. viii. de Region. & indig. Brasiliens. cap. 6. sed aliam notat *inaurium* harum materiam, ut priori non minus ridiculam. Rem illustrabit icon Indorum, quam in India expressam à Dn. *Ioan. Braine* Amstelodamensi harum

rerum indagatore indefesso habeo.

Inau-
rium u-
sus apud
Matro-
nas Da-
nicas.

Dum in externis moror, incidi in rem domesticam. Ne quicquam in India quæram, quod olim etiam in Patriæ moribus situm reperio. Nimirum apud Danos veteres, honestum ornamentum non denegatum est Matronis, quæ tamen illo non tanquam luxuriæ documento superbiebant, sed potius veluti signum matronalis munditiei, sed honestæ, reputabant. Testis est Patriæ historiæ conditor & vindex optimus *Saxo Grammaticus* Histor. Danic. Lib. x. ubi matronæ Danicæ Suenonem Regem ornamentis his à captivitate Sclavica liberant: *Sueno virili defectus auxilio, fæmineum expertus est. Nam cum exhaustis regni opibus, ne aurum quidem redemptioni ejus suppetere videretur, tanta ei matronarum humanitas affuit,*



affuit, ut detractis aurium insignibus, cæteroque cultu certatim digestam pondere summam explerent, plus commodi in salute Principis, quam ornamentorum suorum specie reponentes. Quis eas non miretur, quæ eis artibus salutem Regis quæsierant, quibus abutuntur aliæ, divitias atque superbiam bono honestoque potiora habentes, dum fas atque nefas exiguo fine libidinum discernunt, & omnia licita & non licita juxta æstimant, dummodo luxu diffluant. Has ego mollitie fluentes secus ac Matronas Danicas, nimium felices malo suo dixerim.

C A P V T I X.

Inaures Brutorum Animalium.

HÆc superbiæ instrumenta non sibi soli retinebat prodiga illa luxuriosorum turba, sed Brutis etiam communicabat quæ sua erant, ut secum pari passu ambularent. Factum hoc vel in iis quæ Diis consecrata sunt ad majorem sive ostentationem sive venerationem; vel in aliis, quæ peculiari & sane ridiculo amore prosequerentur his affectibus male sanis irretiti. De Elephantibus hoc legimus, sed DIS consecrandis. Dignum suggerit locum *Philostratus* de Elephanto Alexandri Soli dicato. Ita enim ille Lib. II. de Vita Apollon. c. 6. per interpretem *Zenobium Ac-ciolum*: Esse autem illi torques

Inaures
Elephan-
ti soli di-
cati.

aureos circa dentes , seu cornua
 libeat appellare , & in torquibus
 literas græcas insculptas hæc ver-
 ba referre : *Alexander Iovis fi-*
lius Ajacem Soli, hoc enim Aja-
 cis nomen ipse Elephanto impo-
 suit. Pro *torquibus* in Græco le-
 gitur , ἑλικες , quod de *inauribus*
 intelligendum censeo , cum præ-
 ter alios consentiat *Pollux* O-
 nôm. Lib. v. cap. 16. Περὶ δὲ τοῖς
 ὠσίν , ἑρμαῖα , δρόπας , ἐκλόβια ; ἐνώλια,
 ἑλικας , &c. Meæ etiam sententiæ
 faventem habeo *Scefferum* , qui
 Comm. de Torqu. hoc de circu-
 lis in auribus exponendum po-
 tius putat , quia apud memora-
 tum *Philostratum* additur περὶ τοῖς
 ὀδύσιν , nec enim illud περὶ , nisi
 de circulo qui cornu sive dentem
 ambit intelligitur. Cervi eo-
 dem gaudebant in ornamentis
 aurium privilegio. De illo qui
 Nymphis sacer habebatur testis
 luculentus est *Ovidius* Meta-
 morph.

Cervo-
 rum In-
 aures.

morph. Lib. x. Fab. III. vers.
109:

Namque sacer Nymphis Car-
thæa tenentibus arva

Ingens cervus erat: lateque pa-
tentibus altas

Ipse suo capiti præbebat corni-
bus umbras:

Cornua fulgebant auro: demissa-
que in armos

Pendebant tereti gemmata mo-
nilia collo:

Bulla super frontem parvis ar-
gentea loris

Vincta movebatur: parilesque
ex ære nitebant

Auribus è geminis, circum cava
tempora baccæ.

Vt Sylvarum Nymphis, ita Dia-
næ, quæ Nemorensis & Vena-
trix audiebat, merito Cervos **Cervi**
sacratos legimus, quibus ad cul- **Dianæ**
tus majorem devotionem inau- **sacra-**
tum In-
auribus.
rium additum signaculum. De

G §

Dio-

Diomede *Author* Mirabil. auscultationum: *In Peucetinis ajunt templum esse Dianæ, in quo locatum est celebre illud areum sertum* [καλὴν ἑλινὰ author ipse vocat, quod à Polluce recte auribus tribuitur] *inscriptione hac insignitum: Diomedes Dianæ. Id narrant ab eo collo Cervino appositum accrevisse, atque deinceps hoc pacto inventum ab Agatocle Siculorum rege in Jovis templum locatum. Vbi ipsas inaures Diis sacratas & in Eorundem templis suspensas patet. Pertinent ad Brutorum inaures Torques, quos Alexandrum cervis indidisse refert Plinius Hist. Nat. Lib. viii. c. 32. De quibus videatur Schefferus de Torquibus. Cæterum inaurium notam addidere Brutis ut in iis quæ Diis consecrata erant, hoc gnorismate præcaveretur, ne quis rei sacræ violatæ reus foret, quamvis inscius, in prophanis*
autem,

Inauribus quare Brutæ ornata.

autem, ut hoc signo recognosci
& jure repeti possent, quæ præ
feritate nimia aufugissent, ut de-
monstrat *Grotius* Lib. II. de Iur.
Bell. c. 8. §. 3.

Boum etiam auriculas fibula Boum
auriculæ
circulo
signatæ.
vel circulo signatas tradit *Colu-
mella* Lib. VI. c. 1. quicquid ex
melioribus libris de *fibula* refe-
rant alii, parum ad ejus verba,
quæ ita se habent: *Æneâ fibulâ
pars auriculæ latissima circumscri-
bitur, ita ut manente sanguine tan-
quam O literæ ductus appareat
orbiculus.* Haud obscure idem
innuit *Vegetius* de Veterin. Lib.
III. cap. 11: *Ad acum vel acutum
cuprinum pars auriculæ, quæ lata
est, quasi circulo signatur.*

Nec quadrupedes soli hæc au- Inaures
Piscium.
rium sive signacula sive orna-
menta sibi vendicare poterant,
sed idem de piscibus observo,
qui in delitiis habebantur. Re-
fert *Plinius* Natur. Hist. Lib. IX.

Inaures
Muræ-
næ.

cap. 55. de Antonia Drusi, quæ Murenæ, quam diligebat, *inaures* addidit, cujus propter famam nonnulli Baulos videre concupiverunt. De Muræna Crassi, quam mortuam flevit & sepelivit, idem notat *Dalechampius* ad *Plin.* Lib. xxxii. cap. 2. In Labrondæi Iovis fonte pisces *Inauribus* ornatos testis est *Ælianus* Hist. Anim. Lib. xii. c. 30: *Sunt & pisces in templo Iovis Labrondæi, ubi fons nitidus, monilibus & aureis inauribus ornati.* Hoc genus piscium anguillas fuisse constat ex *Plinio*, qui Nat. Hist. Lib. xxxii. cap. 2. Anguillarum meminit, quas in Labrodii Iovis fonte *inaures* gerere refert: *E manu*, inquit, *vescuntur pisces in pluribus quidem Cæsaris villis: sed quos veteres prodidere in stagnis, non piscinis, admirati, in Eloro Siciliae Castello, non procul Syracusis; item in Labrodii Iovis fonte anguillas:*

Inauri-
bus an-
guillæ
ornatæ.

las : hæc & *inaures additas gerunt.* Ejusdem rei author est *Athenæus* sub initium Lib. viii. *Deipnos.* de Anguillis aureis argenteisque *inauribus* ornatis. Ad hanc classem referri posset similis piscis, qui temporibus Ferdinandi I. captus in stagno Heilbrunnensi, & circa branchias circulum habuit ex ære cyprio, cui nomen ejus. inscriptum qui primus in stagnum immisisset.

C A P V T X.

*Inauribus Statuæ Deorum
Dearumque ornatæ.*

Eadem sepulchris illatæ.

IN creatis ad Dei imaginem hominibus talia luxuriæ adminicula ægre ferebant Christiani Veteres, qui talem membrorum abusum sanguine viperino cautius

Christia-
norum
in inau-
res inve-
ctiva.

tius vitabant. Voluit id *Hieronymus* Epist. ad Lætam: *Nec collum auro & margaritis premas, nec caput gemmis oneres.* Eâdem constantiâ Virgines hortatur *Cyprianus* de Habitu Virgin. ne auribus vulnera inferrent, nec brachia includerent aut colla de armillis & monilibus pretiosis catenis. Scilicet indignum putabant pretiosa corporis membra, animæque vel domicilia vel ministra vili metallo vulnerare & splendenti luto onerare non talia ad munia facta. Vapulante haud immerito à *Tertulliano*, qui de cultu Fœmin. cultum hunc proscribit & æterno condemnat exilio: *Scrupulosa Deus auribus vulnera intulit: & tanti habuit vexationem operis sui, & cruciatus infantiae tunc primum dolentis, ut ex illis ad ferrum nati corporis cicatricibus, grana nescio quæ penderent.* Nimirum talibus admonitionibus

tionibus clausæ Paganorum aures, quamvis bene foratæ essent, & ipso credo *inaurium* pondere; nec turpe putabant sibilicere ea quæ Diis suis, sed fictitiis, conferebant. Notat ad Lib. I. *Æneid. Virgil. Servius*, apud *Sigæum* Achillis statuam fuisse, quæ in ima auris parte elenchum more scæmineo habuerit. Ante *Servium* evidenter hoc confirmat *Tertullianus* Lib. de Pallio; *Aurē quoque foratu effeminatus, quod illi apud Sigæum statua servat.* Crediderim statuam hanc Achillis intelligendam, quam apud *Sigæum* *inauribus* ornatam supra *Servius* monuit, id quod *Tertullianus* dixit, *aurem foratu effæminatus.* Hæc enim receptissima *Tertulliani* lectio, de qua nullum dubium, plerisque servatur. Aliter tamen *Polyhistor* Magnus *Salmasius* renovat. *Aurē quoque foratu effæminatus, quod*

Inaures
Deorum.

Achillis
statua
elenchis
ornata.

Tertul-
lianus
emenda-
tus.

Strongy-
la quid?

Inaures
Statuæ
Veneris.

quod illi apud *Sigaum strongyla* servat. Pro *statua* legit *strongyla*, sed eodem res recidit. Quippe *strongylam* vocat statuam pectore tenus, quæ scuto rotundo continebatur. Inter Deas, Veneris statuam *inaurium* lapillis decoratam animadverto. Vnde mirari convenit occæcatos Paganos miserrimos, quod statuas inanimatas, à quibus suam credebant pendere salutem, talibus ornamentis demereri voluerint. De Cleopatrarum unione nemo est qui non *Iliadas* noverit. Pretiosa illa ingluvie inductus *Barbarus Corollar.* in *Dioscorid.* Lib. v. cap. 115. tres foeminas ait lapidem illum Philosophorum composuisse, Cleopatram, Taphuntiam, & Iudææ gentis Mariam. Cleopatra Antonium sponsione provocaverat unica cœna consumere se posse sestetium centies. Dicto fidem fecit unius
auris

auris unione aceto soluto & deglutito. Alterius auris unio monstrosæ magnitudinis Veneris simulachro in templo Pantheo sacer cessit. Fusè historiam persequitur *Macrobius Saturnal. Lib. III. cap. 17.* ubi addit: *Ipse autem unio cujus magnitudinis fuerit, inde colligi poterit, quod qui superfuit postea victa Regina & capta Ægypto, Romam delatus dissectusque est, & factæ ex una margaritæ duæ, impositæque simulachro Veneris, ut monstrosæ magnitudinis in templo quod Pantheon vocatur. Nec aliter Plinius, qui ubi pluribus totam hujus rei historiam circumscripsit Lib. ix. cap. 35. de Veneris inauribus consentit: Comitetur fama unionis ejus parem, capta illa tantæ questionis victrice Regina, dissectum, ut esset in utrisque Veneris auribus Romæ in Pantheo dimidia*

dia eorum cœna. De Alexandro Severo idem constat, qui Reginae suæ, ut luxuriæ hanc notam evitaret, usum unionum interdixit, qui à Legato quodam oblatis erant: Et eos inauribus Veneris dedicavit. De quo ita Lampridius: Quum quidam Legatus uniones duos uxori ejus per ipsum obtulisset magni ponderis & inusitata mensuræ, vendi eos jussit: qui quum pretium non invenirent, ne exemplum malum à Regina nasceretur, si eo uteretur quod emi non posset, Inauribus Veneris eos dedicavit. Quibus affine est monile, quod Fortunæ Tusculanæ destinatum Veneri Capitolinæ dedicavit Galba, sicut fidem facit Suetonius in Galb. cap. 18. Et apud Iustinum Lib. xx. cap. 4. author fuit Pythagoras ut Crotonienses matronæ auratas vestes, cœteraque dignitatis suæ ornamenta, velut instrumenta luxuriæ,

Monile
Veneri
Capito-
linæ de-
dicatum.

riæ, deponerent, eaque omnia delata in Iunonis ædem ipsi consecrarent. De Minerva idem affirmare ausim. Quippe vel Iovem lapidem jurarem per *auras argenteas* apud Gruterum Minervæ dedicatas non nisi *inaures* intelligi debere. Ita enim Inscript. pag. M L X V I I.

Inaures
Minervæ.

Inscriptio Antiqua illustrata.

M I N E R V Æ. A V G
L. CALLIDIUS. PRIMVS
BRIXELLANVS. EX. ARG.
LIB. II. ITEM. L. CALLIDIUS
PRIMVS. A V R E S. A R -
G E N T E A S
V. S. L. M.

Crediderim vel errore sculptorum *auras* pro *inaures* positas, vel etiam *auras argenteas* dictas esse pro auribus, argenteis *inauribus* ornatis, utpote quæ ex argenti libris duabus conflatae dicuntur.

Inaures etiam in sepulchra illatas

Inaures
in sepul-
chra illa-
ta.

latas judico ex *Arriano*, apud
quem Lib. vi. Cyri sepulchro
condita feruntur καὶ σπερθεὶ καὶ
ἀκινάκῃ, καὶ ἐνώλῃ χρυσῷ τε καὶ
λίθῳ ὀφθαλμοῖς, torques, acinaces,
inaures ex auro & gemmis. Et
de armillis idem notat *Parens*
Sched. §. vii. quas uxores à spon-
sis datas, in æternam gratæ copu-
læ memoriam, in sepulchra sibi
voluerunt inferri. Pari forsan ra-
tione in luctu Matronæ Romanæ
ornamenta sua & bullas atque
prætextas liberorum in rogum
conjecere, ut in Cæsaris funere
refert *Suetonius* cap. 84.

MAN-

M A N T I S S A

E X

THOMÆ BARTHOLINI


Miscellaneis Medicis

D E

MORBIS BIBLICIS,

C A P. XIX.

De Annulis Narium.



E X

TH. BARTHOLINI

D E

MORBIS BIBLICIS,

C A P. XIX.

De Annulis Narium.

DIsputat de eo *Io. Langius*
 Lib. II. Epist. 34. an Dæ-
 mones humana corpora
 morbis affligant, exorcismo ob-
 temperent, qua denique me-
 thodo tales morbi curentur?
 Laus Deo, quod insolita sit no-
 stro tempore ista infelicitas, cum
 vix singulis seculis unus alterve
 à Dæmone obsessus affligatur. Me
 puero, Coagii celebri Zelandiæ
 nostræ urbe, quidam miros Sa-
 tanæ experiebatur insultus, ut
 etiam per aërem subinde rapere-
 tur, quem invisere ex Sacerdo-
 tibus

tibus nemo audebat nisi integram vitam traduxerat, exprobrabat enim obsessus quicquid conscientia occultavit. Inter Iudæos numerus Dæmoniacorum insolitus fuit, & sæpè in sacro Evangelio occurrit, sive quod præter modum artibus magicis dediti Dæmonem advocaverint, sive quod summæ impietatis hanc pœnam meruerint à vindice Jehova. *Iosephus* narrat, quo modo obsessi à Dæmone curarentur à Iudæis. Vidit namque Eleazarum Iudæum in exercitu Vespasiani, curantem Dæmoniacos hac methodo: Ingerebat naribus obsessi annulum, sub cuius symbolo radix à Salomone indicata continebatur, quo de naribus educto, simul Dæmonium obsessi emunxit, ac æger langvore in terram concidit: & Eleazar carminibus Salomonis Dæmonem adjuravit, illique per sacra edixit,

edixit, ac vetuit, ne in pristinum suum ergastulum rediret. Ac ut obsessum spiritu maligno liberatum testaretur, ponebat coram obsessis calicem aut pelvim aqua refertam, quam ut egressus ab homine subverteret, Dæmoni jam exauctorato imperabat. Hodie nonnunquam obsessi à Dæmone creduntur, qui vel Epilepsia correpti vel melancholico succo abundantes, ludos varios Satanæ mentiuntur. In Epilepsia similia Dæmoniacorum visuntur symptomata, variis motionibus miri spectaculi speciẽ præbentia. Et quod in Evangelio legimus, in flumina vel mare cadentes, ex altis locis præcipites dantur, sicut prodidit *Cælius Aurelianus* l. 1. Chron. c. 4. Vidimus Patavii eos qui tanquam obsessi flagellabantur, curatos à *Io. Dom. Sala* Med. Magno, pro Epilepticis vel melancholicis. Expurgandus enim

in his ater humor, qui cerebri ideas turbat, & vellicantes cerebri acres liquores educendi. Quamquam nec flagella damnentur; quæ calorem excitare valent, & mentem à deviis revocare, de quibus nos post *Meibomium* plura diximus *Epist. de Flagrorum usu in Medicina*. De annulo naribus obfessi indito, quæ Eleazar apud *Iosephum* exhibuit, præstigiæ meræ sunt. Annulus quidem S. Eduardi Regis Angliæ comitali morbo laborantibus salutaris fuit, de quo videndus *Kirchmannus* de Annul. c. 21. sed suspicio esse potest, ex ungula alcis confectum vel aliis quæ singulari virtute Epilepsiam curant. Annulos aliàs naribus appendebant Iudæi ornamentum causa vel memoriæ quod in Schedio nostro de *Armillis* exposuimus. De hoc argumentum consultus *Io. Buxtor*
fin

fius Iunior, Basileæ olim amicus
noster, Cl. *Rhodii* in gratiam,
cum de fibula commentaretur,
prolixum responsum dedit, quod
meretur publice hic legi:

Primò quidem Nomen He-
braicum, quo *Annuli Narium*
designantur, de quibus quæris,
vocatur illud נֶסֶם *Nesem*, in plu-
rali נֶסָמִים *Nesamim*, & נִסְמֵי *Nis-
me*. Etymologia hujus nominis
incerta: quia, cum communi-
ter Nomina apud Hebræos à
Radicibus certis seu verbis de-
scendere soleant, nullum autem
verbum apud Hebræos sit in usu,
unde hoc nomen derivari, & ra-
tio significationis ejus cognosci
possit. Analogiæ ratione primi-
tivum ejus deberet esse נָסָם *Na-
sam*: sed nullibi extat. Sunt,
qui per Methatesin literarum re-
ferant ad סָנַח *Sanah*, quod *scor-
tari* significat: quasi sit Moni-
le, quod palam in fronte, nari-

bus vel auribus proſtat ad eme-
rendum gratiam. Sed coacta eſt
hæc etymologia. Et cum ſan-
ctiſſimas etiam fæminas legamus
hoc ornamenti genere uſas, ab-
ſit, ut ab impudico illud verbo
deducamus. Si conjecturis in-
dulgere vellemus, commodius
multo deduci poſſet à verbo affi-
ni םׁׁׁ Sam, vel םׁׁׁׁ Samam, quod
Capistrare, Frænare, Refrænare
ſignificat: unde םׁׁׁׁ Semam eſt
Capistrum, Frænum. An ergo
forte םׁׁׁ Nefem, ornamentum il-
lud genus ſic dictum, quod cum
םׁׁׁׁ Semem vel Semam Fræno vel
capistro Equorum & jumentor-
um aliquam ſimilitudinem ha-
beret. Sanè interpres Latinus
Paraphraſeos Chaldaicæ Cant. i.
v. 10. ubi legitur, *Verba legis eſſe*
Israëlitis ſicut םׁׁׁׁׁׁ Semamim
(fræna) *in maxillis eorum, ut non*
recedant à via recta; ille, in-
quam, Interpres vocem םׁׁׁׁׁׁ
Sema-

Semamim (fræna) reddidit: Sicut in aures, affinitatem originationis inter has duas voces agnoscens.

Secundo, utile est & è re omnia Scripturæ loca inspicere & considerare, in quibus vox hæc occurrit. Sunt autem seqq.

I. Genes. 24. 22. dicitur de servo Abrahæ: *Protulit Vir Nefem auream, semissis pondus ejus: & v. 30. Cum vidisset Nefem Laban. Et v. 47. dicit servus ille in eadem Historia: Et posui Nefem super nares ejus, & armillas super manus ejus* (sc. Rebeccæ.)

II. Genes. 35. 4. dicitur de familia Iacobi: *Dederunt itaque ipsi (Iacob) omnes Deos alienos qui erant in manu sua, & Nefamim, quæ erant in auribus ipsorum.*

III. Exod. 32. v. 2. 3. de Aharone vitulo conflaturo: Et dixit illis (Israëlitis). Aharon: *Separate Nisime aureas, quæ sunt in auribus uxorum vestrarum, fi-*

litorum vestrorum, & filiarum vestrarum, atque afferte ad me. Separaverunt igitur omnis populus nisme aureas, quæ erant in auribus eorum, & attulerunt ad Aharon.

I V. Exod. 35. v. 22. de populo Israëlitico spontaneas oblationes ad opus tabernaculi offerente: *Venerunt viri cum mulieribus, omnis spontaneus corde, & attulerunt fibulas, & Nefamim, & annulos, & dextralia, &c.*

V. Iudic. 8. vers. 24. 25. 26. Dixit præterea ad eos Gideon: *Postulabo à vobis postulationem, ut detis mihi quisque nefem spoliiorum suorum: Nam nisme auri vel aureæ erant eis: quia Ismaëlitiæ erant, (spoliati sc. vel capti ab Israëlitis) Et dixerunt, dando dabimus. Et expandentes vestimentum, projecerunt illuc quisque nefem spoliiorum suorum. Fuit autem pondus nisme auri vel aurearum*
mille

mille & septingentorum aureorum &c.

VI. Iobi 42. 11. *Dederunt quoque (amici Iobi) ei (Iobo) quisque agnum suum (vel, numum agni imagine signatum) & quisque nefem auream unam.*

VII. Proverb. 11. 22. *Sicut nefem auri in naribus porci : ita est mulier pulchra, & deficiens consilio.*

VIII. Proverb. 25. 12. *Ut nefem auri, & ornamentum obryzi est, qui arguit sapientem, cui est auris obtemperans.*

IX. Iesa. 2. 21. *inter ornamenta filiarum Hierosolymitanarum recensentur Nisme narium.*

X. Ezech. 16. v. 12. *Dedine sem super nares tuas, & in aures in auribus tuis, & coronam gloriæ in capite tuo.*

XI. Et Hoseæ 2. 15. *Et visita bo super eam (Ecclesiam Israëliticam apostaticam) dies Baálim,*
H 4 *qui-*

quibus adolebat *ihus* & ornabat *se*
nismah suâ.

Ex consideratione & collatione horum locorum Scripturæ sequentia videntur colligi:

Primò. *Nesem* ornamenti genus fuisse, primariò quidem & propriè fæminarum, secundariò autem & quandoque etiam virorum, argumento locorum Exod. 32. Exod. 35. Iudic. 8. Jobi 42. 11.

Secundò, materiam fuisse *Aurum.*

Tertiò, Adhibitum vel applicatum fuisse *Naribus*, Genes. 24. 47. Prov. 11. 22. Iesa. 3. 21. Ezech. 16. 12. & *Auribus* Gen. 35. 4. Exod. 32. 2. 3.

Quartò, Ismaëlitis seu Arabibus in frequenti usu fuisse, Iudic. 8. 24. unde Vulgatus Latinus Interpres illic reddidit: In aures enim aureas Ismaëlitæ habere consueverant.

Sed

Sed & *Versiones* & *Expositiones* Veterum, præsertim Interpretum sunt considerandæ & videndæ:

LXX. Græci in omnibus adductis locis transtulerunt Ἐνώπιον *Inaurem*: præterquam Iob. 42. v. 11. ubi verterunt, καὶ περὶ ἄρθρον χειρὸς αἰσθητὸν ἔν. Symmachus interpres Græcus reddidit ἐπίρρινον, & ἐπιρρίνιον ornamentum nasi.

Vulgatus: *Inauris*. Sed Prov. 11. 12. *Circulus aureus*. & Esa. 3. *Gemmas in fronte pendentes*. Ezech. 16. 12. *Et dedi inaurem super os tuum*, Genes. 24. 27. *Suspendi itaque inaures ad ornandam faciem ejus*.

In his versionibus observandum, absurdum videri, quod Græci & Latinus *Inaurem*, h. e. ornamentum aurium, tribuant vel naso, vel fronti, vel ori. Factum est id ab eis non propriè

sumptâ voce, sed *καὶ ἑστῆς*, cum propria vox non esset in promptu ornamento isti exprimendo. Hinc & recentiores per vocabulum generalius, *Monile* sunt interpretati. Hinc est, quod *D. Hieronymus* scribit *Ezech. 16. Verbum Hebraicum Nefem, excepto Symmacho, qui interpretatus est ἐπιρρίγιον omnes in aurem transtulerunt, non quod Inaures ponantur in naribus, quæ ex eo, quod de Auribus pendeant, Inaures vocantur; sed quod circulus in similitudinem factus in aurium, eodem vocabulo nuncupetur. Et usque hodie inter cætera ornamenta mulierum solent aurei circuli in os ex fronte pendere, & imminere naribus. Itaque ἑνώπιον, & Inauris non propriè vim & significationem vocis Hebraicæ exhibent: sed partim propter defectum vocis commodioris: partim propter similitudinem cum Anulis aurium.*

Lutherus Germanicè reddi-
dit, **Spangen/Ohren Span-**
gen: Stirnband (Iud. 8. Prov.
25.) **Gulden Haarband /**
Prov. 11. Ies. 3. **Stirnspang.**

Vbi existimo illum non benè
reddidisse **Stirnband / Haar-**
band : non enim fuerunt ipsæ
vittæ , vel **Stirnband /** aut
Haarband / sed circuli vel An-
nuli ex illis dependentes, uti vi-
detur : nisi forte ipsæ vittæ vel
fasciæ unà cum annulis fuerint.

Iudæi in Versionibus suis
Germanicis reddunt , **Nas-**
band.

Chaldæi interpretes כֶּתֶר־קוֹדֶשׁ, *Ko-*
daschaja, q. d. Monilia Sponsali-
tia, qualia Sponsus Sponsæ dare
solet. In Talmud Hierosolymi-
tano Tractatu de Sabbatho c. 6.
fol. 8. col. 2. explicatur *Nesem*
ex loco Iesa. 3. per דְּבַר שְׂדוּא
נָתַן אֶלְגַּב חוּטֵם *Aliquid quod*
ponitur supra nasum.

Rabbi Abraham Aben Esra Hispanus ad Genes. 24. 22. scribit : באזן שנים שהוא באף גם *Est Nefem, quod applicatur naribus, & quod applicatur auribus.*

Author libri qui vocatur *Chas-kuni* ad eundem locum scribit : נזם שיך לאף ולאזן, hoc est, *Nefem* convenit naribus & auribus.

Itaque ex his omnibus liquet vocem *Nefem*, quæ adhibetur etiam, uti visum in loco Exod. 35. denotare tam *ornamentum Narium*, quam *Aurium*; quamvis existimem propriè significare ornamentum narium; ratio, quia alibi ornamenta aurium in eodem loco ab illis distinguuntur, ubi utrorumque fit mentio.

Qualia autem illa ornamenta fuerint, quæritur? D. Hieronymus in loco supra allegato dicit esse *ornamenta mulierum*, & quidem

dem circulos, (h. e. anulos) in os ex fronte pendentes, & naribus imminentes. Non est autem ejus authoritas contemnenda, ut qui in illis regionibus vixerit, & praxin earum viderit, uti ait: *Et usque hodie*. Sic testatur Augustinus Quæstionibus in Genesin: *Mos*, inquit, *Maurorum* est, ut in aures etiam in naribus habeant feminae. Sic Vulgatus Interpres Prov. 11. dicit, *Circulus aureus*. Esa. 3. *Gemmas in fronte pendentes*, (auro sc. inclusas & impactas.) Genes. 24. *servire ad ornandam faciem*.

Aben Ezra Hispanus loco modo citato ait: קַעַל פֶּהִיל קָשׁוּר בַּמָּצָח h. e. *Nesem narium dependet à filo vel funiculo fronti alligato*.

Don Isaac Abarbenoi, itidem Hispanus, scribit ad locum Iesa. 3. 3. *Lechaschim* sunt monilia aurium, *Tabbaoth* sunt orna-

H 7

menta


menta digitorum manuum : *Nisme* (quæ nostra est vox) sunt monilia sive ornamenta, quæ applicabant naribus suis, aut pende-
debant in tiaris capitis à funicu-
lo, & inde usque ad nares de-
scendebant, vel dependebant.
Hæc ille.

Quod ergò Vulgatus Inter-
pres reddidit, modò *circulum au-
reum in naribus* : modò *Gemmas
in fronte pendentes* : modò *In-
aurem super os* : modò *ad ornan-
dam faciem* : hinc potest conci-
liari : *Gemmae sunt in fronte pen-
dentes* : nempe in vitta frontem
circumdante, & ab ea depen-
dentes : *super os* : quia ad os us-
que pendeabant : *in naribus*, quia
naribus imminebant : *Ad or-
nandam faciem*, quia hic gene-
ralis erat finis. Sed & ab ambi-
guitate vocis Hebraicæ אפ Af,
vel Aph varietas ista proficisci
potuit : quæ *Faciem, Vultum* in
ge-

genere , & Synechdochicè *Nasum* significat.

INSERENDA pag. 44.

Seriùs exhibitas Inaures antiquas duas *Smetii* , quarum una aurea cum rudi granato, altera ex auro tota est , hic habes , Lector , mihi operâ *Cl. Theodori Ryckii* , amici optimi , communicatas.



Fratri Charissimo

CASPARO BARTHOLINO

THOM. FIL. CASP. NEP.

DE

IN AVRIBVS VETERVM

scribenti.

Sic pulchram calamus doctrinæ vel-
licat aurem,

Et mundum scriptis condecorare
parat.

Aurea quæ scribis, sunt auro digna,
placebit

Hæc tua nam doctis quicquid in au-
ris habet.

Splendida, crede mihi, hæc sunt orna-
menta laborum,

Quæ tibi plus laudis, quam fuit an-
te, dabunt.

Barthlini nomen posthac sic perge
tueri,

Sis Patre, quem sequeris, sis quoque
major Avo.

THOM. BARTHOL. FIL.

AV.

A V C T O R E S

In Syntagmate nominati vel illustrati.

Æ Lianus. Pag. 17.	Catullus.	110
96. 140	Celsus	82
Agathias. 123	Chaldæus Paraphra-	
Bern. Aldretus. 44	stes.	65
Ambrosius. 76	Cicero. 34. 43. 78	
Apuleius. 9. 36. 41.	Claudianus. 37. 38. 58	
65. 113. 121	63. 103. 109	
Aristophanes. 23	Clemens Alexand. 78	
Arnobius. 85	Constantinus. 24	
Arrianus. 148	Columella. 139	
Athenæus. 16. 25. 26.	Curtius. 92. 112. 130	
67. 123. 141	Cyprianns. 76. 142	
Augustinus. 87. 93.	R. David. 14	
108. 122. 124	Dempsterus. 43	
Augustinus Steuchus	Dion Cassius. 125	
hallucinatus. 48	Dioscorides. 26	
Th. Bartholinus Pa-	Drusius. 48. 87	
rens. 5. 15. 87. 89.	Ennius. 12	
111. 146	Euripedes. 70	
Th. Barthol. Fil. 71	Eusebius. 101	
Baysius. 31	Eustathius. 16. 18. 21	
Boët. de Boot. 69	Ezechiel. 14. 100	
Boxhornius. 111	Festus. 4. 7. 34.	
Io. Braine. 131	Andreas Frisius. 44	
Budæus. 20. 51	Grotius. 139	
Calphurnius. 70	Gruterus. 7. 67. 79.	
Camerarius. 22. ejus	81. 98. 121. 147	
lapius. 72	Gualterus. 64	
	He-	

<i>Hesychius.</i> 22. 23. no-	<i>Lucillius.</i> 40. 116
tatus. 42. 72	<i>Lyra.</i> reprehensus.
<i>Hieronymus.</i> 9. nota-	48
tus. 15. 35. 55. 66.	<i>Macrobius.</i> 51. 61.
68. 142	113. 125. 145
<i>Homerus.</i> 21. 22. 26.	<i>Manilius.</i> 58
72. 103. 106. 107	<i>Georg. Marcgravius.</i>
<i>Horatius.</i> 52. 56. 61	69. 131
<i>Inscriptio Vetus</i> illu-	<i>Martialis.</i> 35. 58. 105
strata. 67. emenda-	<i>Val. Maximus.</i> 95
ta. 82	<i>Mercerus.</i> 12
<i>Lxx. Interpretes de-</i>	<i>Meursius.</i> 111
fensi. 47. Eorum	<i>I. Bapt. Montalbanus.</i>
error. 87	128
<i>Iosephus.</i> 48	<i>Nonius Marc. casti-</i>
<i>Isidorus.</i> 2. 3. 35. 83.	gatus. 33. 34. 41.
92. 129	notatus. 42
<i>Hadr. Iunius.</i> 27. 127	<i>Nonnus.</i> 70. 73
<i>Iustinus.</i> 146	<i>Ovidius.</i> 37. 40. 57.
<i>Iuvenalis.</i> 30. 3. 5.	58. 66. 68. 101.
112. 116. 124	105. 137
<i>Lactantius Gramm.</i>	<i>Palmerius.</i> 33
25. 144	<i>Dan. Papebrochius.</i> 44
<i>Io. Laët.</i> 68. 83	<i>Pausanias.</i> 18
<i>Lampridius.</i> 46. 94.	<i>Petronius, emendatus.</i>
146	27. 115. 125
<i>Ios. Laurent.</i> 69. 114	<i>Philostratus.</i> 35. 136
<i>Lipsius.</i> 51	<i>Pignorius.</i> 7. 29. 38. 67
<i>Lotichius.</i> 27	<i>Guil. Piso.</i> 131
<i>Lucanus.</i> 9. 59	<i>Plautus.</i> 4. castigatus.
<i>Lucianus.</i> 9. 19	5. 46. 110. 115
	<i>Pli-</i>

Plinius.	5. 31. 32. 51.	Strabo.	95
	52. 54. 59. 60. 71.	Suetonius.	34. 43. 51.
	78. 91. 99. 113.		53. 101. 148
	121. 140	Suidas.	19. 23
Plutarchus.	40	Sulpitius Severus.	114
Pollux.	15. 17. 28. 24.	Tertullianus.	2. 3. 9.
	64		10. 12. 33. 39.
Propertius.	67	emendatus.	64. 80.
Prudentius.	36. 55	83. correctus.	127.
Quintilianus.	34		142. 143. 145
Rhenanus.	64. 127	Theocritus.	70
Cæl. Rhodiginus.	25.	Thucydides.	128
	38. 80. 113	Tibullus.	66
Io. Rhodius.	15. 89. 90	Tomasinus.	34
Salmasius.	6. 43. 143.	Nic. Trigautius.	128
Saxo Grammaticus.	Petr. de Valle.		90
	132	Varro.	9. 10. 141
Scaliger.	33	Waserus.	48
Fort. Schackius.	31	Vegetius.	139
	119	Virgilius.	57.
Schefferus.	136. 138	Vlpianus.	94. 99
Scholiastes Iuvenalis.	Vossius.		99
	6. 116	Vulgatus vindicatus.	
Seneca.	27. 56		48
Seneca Philos.	34. 62.	Xenophon.	124
	80. 84. 105	Zenobius Acciolus.	
Servius.	143		135
Spondanus.	22	Zenon Martyr.	55
Statius.	9		119
Henr. Stephanus.	18	Zonaras.	50. 123

A mundo muliebri.	cus.	78	
98	Aurem vellere.	78	
Ab ornamentis.	98	Aures argenteæ quid	
Aceti vires.	61	significant.	147
Achillis statua cum	Aures foratæ quo-		
Inauribus.	143	modo curentur.	82
Acus crinalis.	35	Aures oneratæ.	85
unde dicta.	36	Aures, pro Deabus.	
eius usus.	36		82
ex ebore.	38	in Auribus gentium	
ex auro & gemmis.	virtus.	78	
	39	ab Auribus Flacco-	
ex arundine.	38	rum cognomina.	77
Acus comatoria,	41	Auricula, cauda auris.	
Discriminalis.	36.		81
	39. 41	Auriclæ ornatrix.	81
Afris in aures in usu.	Aurium quæ pars		
	125	perforabatur.	80
Alabastris.	32	Aurium vulnera.	55
Ἀμφωτῆς.	18	Aurum in collo, pro	
Anguillæ cum inauri-	Torque aureo.	66	
bus.	140	Aurum, pro Inaure	
Annuli narium apud	aurea.	66	
Hebræos.	151. &	apud Babylonios In-	
feqq.	aurium usus.	124	
Apud Arabas usus in-	Bacca pro unione.	57	
aurium.	125	pro fructu.	57
in Aure memoriæ lo-	Baccæ in auribus.	56	

Βοτρυόδρα.	23	quid sint.	128
Boum auriculæ circum-		Crotalia.	31
lo signatæ.	139	Danicis Matronis in-	
Brachiolum.	100	aures in usu.	132.
Bruta inauribus orna-			134
ta.	138	Deorum in aures.	143
quare.	139	Diis consecratæ inau-	
Bulla.	112	res.	138
Calamistrati.	43	Discerniculum.	40
Calamistrum.	42	Discriminale.	41
ejus usus.	16	Elenchi.	5. 30. 50
Callaica.	3	forma.	31
Capillorum ornamen-		Elench. pro Titulo.	6
ta.	70	Elephanti in aures.	31
Capreoli.	34	Ἐλικές.	22
Cervi cum inauribus.		Ἐλικτῆς.	20
	136. 137	Ἐλλόθειον.	19
Chinensium in aures.		Ἐνώτη. 15. Ejus signi-	
	120	ficatio. 15. ex au-	
Cinnatus capillus.		ribus pendeat.	17
	34	non brachiis.	87
Cincinnati.	33	Ἐρμα.	20
Circuli aurei in fron-		περίγυλλον.	25
te.	88	Ἐπιρρίνιον, ornamen-	
Circulus æneus in la-		tum nasi.	87. 88
bro.	90	Faber in aurium Vul-	
Cirri.	34	canus.	71. 72
Cnaſon.	41	Fenestræ aurium.	3
Comam ſtruere.	9	Flores in auribus.	39
Crinale.	37	Gemma in digito pro	
Crobyli.	127	annulo.	67
			in

in Græcia inaurium	ad expiationem.
usus. 121	117
unde fluxit. 121	variarum gentium.
Hagareni, qui? 130	118
Hastæ cuspide nupta-	Inaurium Etymolo-
rum comæ discrimi-	gia, apud Lati-
inatae. 40	nos. 2. apud Græ-
Hecate Triformis. 26	cos. 17. apud He-
Inauris aurium orna-	bræos. 12
mentum proprium.	impudica significa-
76	tio. 14
abusivè narium. 86	Inaurium synonyma. 3
qua aurè gestata. 83	differentiæ. 28
utriusque sexus. 91	formæ variæ. 29. 65
virorum. 92. 93	pondus. 46
matronarum. 94	pretium. 47. 50
Virginum. 102	Indorum inaures. 130
Luxuriæ causa. 98	131
Ornamenti causa.	Ismaëlitæ iidem qui
100	Madianitæ. 130
mollitiæ signum.	apud illos inaurium
101	usus. 130
Inaures ex margari-	in Kalendario domus
tis. 54	census perscript. 80
ex auro. 63. 66	Lamella aurea naso
Et eæ nobilitatis	suspensa. 90
signum. 65. 112	Laminas aurium per-
ex argento. 67	tundere. 85
æreæ. 67. 68	Lapis in auribus. 58
ossæ & lignæ. 68	Legata Matrum. 99
in Sacris. 117	apud Lydos inaurium
	usus.

usus.	124	Phylacteria Idolorum	
Margarit. fulgens.	65	inaures.	109
apud Mauros inau-		Pinosis, quid?	64
rium usus.	124	Piscium inaures.	139
Medorum inaures.		apud Poenos usus in-	
	123	aurium.	126
Meretricum inaures.		Regum inaur.	93. 111
	105	apud Romanos inau-	
Minervæ inaures di-		rium usus.	121
catae.	147	Rosæ crinibus impli-	
Monile Veneri dedi-		citæ.	70
catum.	146	Rotula, inauris.	14. 67
Monilium Faber.	71	Scrobyli.	127
Fabrica & con-		Sepulchris inaures il-	
nexio.	74	latae.	148
Muræna inauribus or-		Servorum inaur.	114
nata.	140	earum origo.	115.
Nambipaya, quid?			116
	69	Siclus quantum?	47.
Natalitiæ inaures.	111		48. 49
Nobilitatis inaur.	112	Σχολαγίκιον.	23
Novæ Nuptæ inau-		Spirosus capillus.	9
res.	106	Sponsalitiae inaures.	
Nuptialia munera in-			107
aures.	109	Stalagmium.	4. 29
Ornamenta mulierum		Στεφύλια.	23
licita.	94. 99	Strobulus.	64
Osculi genus arre-		Strongyla.	144
ptis auribus.	79	Subulâ auris perfora-	
Parthorum inaur.	123	ta.	114
Persarum inaures.	122	Suggestus comæ.	9
		Tri-	

Tribaca.	27	Virginum inaur.	102
Τείνηξ &.	26	Vnio Cleopatrar.	51.
Τείη &.	24		59
Turcarum inaur.	128	Vnio Vitellii.	52
Tutulatus.	12	Vnio in naso.	89
Tutuli.	7	in labro inferiori.	
Tutuli pro capillis.	9		90
	10. 11	Vniones pro inauri-	
Tutulus Pontifical.	7	bus.	62
Veneris statua cum		Vniones bini juncti in	
inauribus.	144.	auribus.	84
	145. 146		

Graviora menda sic restitue.

Pag. 10. lin. 19. pro: F A V S T I N Æ.
 lege: P L O T I N Æ. pag. 13. l. 4. lege:
 Mercerus. p. 15. l. 11. eapropter. p. 27. l. 3.
 dixit. p. 73. l. ult. coloratum. p. 81. l. 15. אל
 dele & lege: במילתא. p. 96. l. 11. ineptias.
 p. 98. l. 7. l. Tabella. p. 132. l. 4. Nequic-
 quam.

F I N I S.







